

秋澗先生大全文集

三

化圖書館

Wahwa Library

開化圖書館

Kaithua library

開化圖書館

Kaishua library

開化圖書館

Kaichua library

秋澗先生大全文集卷第六

七言古詩

舒碑劔歌為太常公弘術賦

龍泉之精老蛟血躍入洪爐凝夜雪至今元氣老不
死粲粲碧華浮兩脅雀環金錯赤絲條蒼水夜擲天
為高或云徑度海西陲佩非其人有所歸夜飛入燕
人不識天以神兵示中國宋侯磊落書中傑碧眼風
湖物情格窮幽抵祕竟圖經羽衣崑崙騰口說黃金
臺下喜相逢醉眼高歌得玉龍摩挲羊神物萬金重箕
冠傾倒琉璃鐘蹇子元年燕市客走馬來觀嘆奇絕
雪屋燈青寶匣開紫氣橫衝箕尾滅悲風凜凜入座
寒山鬼吹燈中夜泣當年天矯龍性在入手無方恣

舒辟金精固列五材首堅質柔資苦差別彼人之性
而與同太柔失威剛則折咄嗟此劍陰陽全雄愛雌
縵俱赫然君不聞淮陰未遇賤且貧愛而服之良有
因無何大遭跨下辱亦如此劍能屈伸一朝攀附赤
龍飛六合風雲入指揮漢家日月四百載亦從此劍
騰光輝宋侯篤我卓所立一日三看曾不惜我今作
詩私自激重為歌之感疇昔多君振厲義且誠羨君
小試妖氛清三年盜弄潢池兵亞夫持節東南征此
時宋侯佐戎車一揮逆儔生白鬚縵纓短衣非我事
談笑自有聊城書斬鱸歸來却屋底拂拭海西心自
喜不須夜半舞荒鷄得君亂絲為君理况君天富席
上珍曾蟠萬卷餘經綸

天王未八非熊夢此劍應須檢子身

飛豹行

中統二年冬十有一月

大駕北狩時在魚兒泊

詔平章塔察公以虎符發兵于燕既集取道居庸合圍於湯山之東遂飛豹取獸獲焉時予以事東走幕府駐馬顧盼亦有一嚼之快因作此歌以見從獸死厭之樂也予時為左司都事

二年幽陵閱丘甲

詔遣謀臣連夜發春蒐秋獮是尋常况復軍容從獵法一聲畫鼓肅霜威千騎平崗捲晴雪長圍漸合湯

山東兩翼閃閃牙旗紅飛鷹鳥走大漢人事以豹取獸
何其雄馬蹄蹴麋歛左與赤緜撤鋏驚龍騰錦雲一
縱飛塵起三軍耳後秋風生豹雖逸才不自惜兩血
風毛摧大敵風煙慘淡晚歸來思

君更上單于臺血埋萬甲戰方銳瓜牙正藉方剛才
古人以鹿喻天下得失中間係真假元戎茲獵似開
先我作車攻補周雅大笑南朝曹景宗誇獵空驚馬弦
霹靂何曾夢見北方強竟墮閉車甘偃息揚鞭回首
漢家營一點槍纓野煙碧

匹紙歌謝王道人子寧

楚山脩竹森如玉千杵鳴碓響空谷溪翁鬪巧紙愈
佳淥泛秋江連百幅春斂籠燠素練輕鳳梭停織天

孫嶺聲光一日天下白
千古作配中書君
道人未自
蒼陵天各品
閱盡東吳無
惠然贈我以此紙
入手展
放銀河翻脂凝玉瑩
絕纖滓
風流綽約貌似姑射之
真僊
扶餘綿瓊固堅膩
中有雲影靈霽浮
秋瀾金華
五色非不佳
不放墨松使者光
通玄何如此君
貴重
百金比當與澄心
玉屑並驅爭後先
媿無少陵詩
曾
公筆如椽揮毫壹掃空
雲煙文章元氣古
无間玉堂
人物今翩翩
此而不贈返惠我
夜光暗投真可憐
道
人一咲春生頰
琢腎雕肝兩心折
千首新詩意未窮
分取煙江愁
萬疊我今靈臺久
荒穢老樹秋蕪餘
廢
埵何時除治若此
紙一片冰壺貯
秋月深藏且須珍
惜之
准備虛堂夜生白

金馬門行與董參謀考才之元帥府

十年金馬門中客，万里風雲橫上策。貂蟬要自出兜
黎，擊舟渡江江水窄。新豐樹色繞千官，一片丹心懸
魏闕。洞庭白波木葉下，千騎臨江思飲馬。堂堂大帥
晉龍驤，聲振南陸無呂賈。止則如山戰則克，更着君
侯衆幕畫淮陰。何止一軍驚滿眼，旌麾動秋色。万竈
連營楚戍烟，一樽回首銅駝陌。功名年少貴力取，行
与諸兄垂竹帛。蹇予久事筆研間，天東倦客未能還。
夢回破屋見星斗，商聲夜半歌南山。虛名不到麟閣
上，白日能饑首。蒼桀何如乘此長風去，濁浪吹破東
南天。

相從行贈宋兄弘道

宋君茂異誰其儔事業當向前人求羣書磊落載其
腹人道聰明似鄴侯黃陂千頃不足泳入海鯨弄龍
驤舟十年霧豹棲巖幽每恨南海北海風馬牛碧雲
望斷西山取爰而不見心為憂向來文彩珊瑚鉤寧
胡一曲不自休公嘗作寧胡關壯懷似欲寫孤憤筆
力倒挽西江斜古今樂府非不優例以哀怨更相酬
蛾眉命薄黃金貴青塚雲髮紫塞秋多君變體不師
古一掃万古琵琶愁我忻得之三過讀如入武庫森
戈矛乃知鳳凰在歧世自瑞春風百鳥空啁啾乾坤
吾道方悠悠天公界子鳴中州喚回海嶽三生夢獨
倚元龍百尺樓今年冠劍平津閣積憂一見心為瘳
識君恨晚愧全志正以羔羊之鞞緣飾青貂裘古今

為諱分清流不用倒翻鸚鵡洲期君有道與東周不
然君為龍我亦同雲浮自茲攀逐不相失四方上下
從之游

南風謠送董端卿之鄧州軍幕

南風不競兵塵盡兩淮春燕趨林巢
吾皇明見万里外欲以德服兵无勞已聞灌莽極目
地万屯春事開林臯紫騎將軍賢且豪智略往往超
龍韜一軍壁楚號勁利眼中勅敵死劉曹今年分闡
鎮鄧鄙旌旗改色天為高芙蓉幕府固多士更以厚
禮羅英髦君侯漢庭選經濟夔而咎婉畫乃餘事白
羽扇蕭騷年雖哀樂境兩鬢無霜毛如君名官不可
逃繡花未滿千金刀鸞鳳忽爾辭蓬蒿此行莫起觸

熱嘆將軍好士心
怵怵得君豈止解鬱陶
投竿如掣東溟鱉
飛旆走翰鈴閣底
駸駸欲逼令家綯
秋風鼓角驚江濤
軍中氣和投楚醪
兵家耕戰諒有待
雲雷隱伏池中蛟
一杯漢水春蒲萄
楚人雖猛輕秋毫
知君談笑辨此事
長江聽渡龍驤艘
長劍行為王子初賦

老蟾破雲光走庭清風西來散餘醒
斗間紫氣望不見太白皎爍無光
晶燈前惚值蒼水使示我寶劍喜
且驚芙蓉匣開吐竒怪分光盡萃
此劍之精美蒼虬翻風白日動秋
水背露龜鱗青昔之所愛今乃遇
覺我炯炯隻瞳明青衫試拂拭硯
磊難自平平生疾惡賜為爾芒角
生我聞乾剛甲五材鍛成玉龍復
以首

利庶物稱佩非其人尚不可况乃用之高庫而無經
君不見趙文失所好日夜徒擾曼胡纓朱雲妄其請
折檻反取訕訐名劔之於人無適莫用之得術如雷
霆又不見周公管蔡舉謗息四國寧聖師兩觀誅正
大貫日星遂令千載下妖腰亂領寒於冰引杯感古
我自惜儒冠突鬚嗟無成之子風雲士慕蘭如長卿
飄飄四方志早以文章鳴君与劔無父蟠决雲會看
昇青天黃金錯環蒼玉佩攬環結佩
天王前慙懃祝子無多言不誅已然誅未然

雜言喻為彥政失子作

堂上慙親頭白絲慰心賴有寧馨兒嶢嶢頭角日方
露誰揮如意擊碎珊瑚枝不知與奪果何主變滅歎

歛無旬時驪龍失頷珠海窟黯慘鬚眉垂老鶴憶別
雛淚眼叫斷秋天低彼蒼塊北於我本無有何事誕
說立象為鑑鍾陽春豔豔木自榮非春一一點化青
紅姿秋風瀟條羣木脫物感秋氣彫悴又匪行陰機
乃知生死天地間花開花落殆似東風吹蜂房魚腹
得至理子夏失眠傷天彝西家因果蠱流俗東家間
之為朶頤蕃延踈薄無定分慰懷當取昌黎辭父子
自天性東野能不悲君年正鼎盛情鍾感非宜况夫
先子澤渾水清而漪吾友賢且孝舉案加有梁鴻妻
捧檄為親屈晨昏歸來侍庭闈我聞善積有餘慶他
日當有螽斯詩

湧金遊并序

予回轡共山有客過而問曰湧金之遊樂
乎曰樂矣不無詩乎曰无有也客曰事樂
會之於心心樂寓之於口且蘭亭之勝至
今尚為美談者其以有託於斯文也客退
於是乎書長短句以歌時孟夏十四日也
曉雲拂山山氣昏坐未万壑烘朝曦丹崖翠壁盡莫
出但覺詩境供愁新地靈祠古秘幽怪天授神柄專
其尊年年簫鼓祠下路東風十里揚花春我未愛此
山水窟天氣着物清而温湧金亭上一礮礮主人留
髡醉金罇水邊滉漾多麗人往來但看珠翠裙不知
僊家足奇貨明珠脫串一一浮出摩尼真波間可翫
不可撥雲錦翻動玻璃盆書生潤身那羨此席上正

有吾家珍舉杯酌水但默禱山靈垂意哀王孫願分
秀色貯詩腹一洗万斛甯中塵仙官有請固不拒山
鬼竊笑君無因不然結茅傍脩竹雲烟占断西湖曲
月明舒嘯碧山巔喚起公和跨黃鵠

秦川行送

張孝先

北燕豪俠南州客去歲辭家今八月霜風偃薄一貂
裘不為死金少顏色平生弓劍只餘事滄海風雲居
上策今年棄繻復入關春光澹沲迎征鞍周侯磊落
天下士橐鞬賴子為周旋我知黃鵠志千里此舉橫
絕青雲端長安西望白日近解鞍多在清明前新豐
酒斗十千長樂坡頭楊柳煙曲江花蒲樹春風怨啼
鶻對時感槩能不動鄉思丈夫有淚肯洒離別間驂

驕得路足神駿我非統朝愧乏黃金鞭君不見古人
勲業貴少壯莫待拊髀悲流年

東方碑帖歌謝子初

魯公筆法天下雄東方一贊其猶龍嗟予愛之力莫
致夢魂幾到平原東我雖不解書慕此忠義風有唐
天寶初禍首營州奴羣兇一朝起氛祲連神都廿四
名郡風靡隨盜區堂堂顏使君徇國思捐軀竟以七
千衆不為胡塵汚乃知大節初不以藝自殊胸中義
氣蟠不盡徃徃翰墨據其餘况茲游藝君子責古人
以字為心畫先生不知作何狀覩此寶墨事可測書
學到君稱絕筆凜凜英名貫星日晉漢名書凡幾家
奄奄為君皆敗北宜乎眉山公謂此能事畢出於右

軍擴以大比並離堆當第一秦氏龍蟠古井波將軍
虎卧南山石又如大人垂紳正笏廊廟上忠厚之氣
了弗事綠飾嗟此至神物每為好事得君家父子賢
向歆只今好古喧詞林幾年秘此分賜我拜嘉不翅
千黃金君心若此真尚友我報愧無瓊与玖歌成大
笑不自量擬与君名傳不朽

墨竹歌為共嵩處士石盞公作

吾生愛竹無嗜石手不能書漫成癖憶從林下七賢
游終日摩挲弄寒碧山河一自隔黃壚塵土填浙百
憂集得君此畫忽灑然元氣淋漓障猶濕蒲空月露
下寒梢人去山陰鎖幽寂又如湘妃廟前風雨晴翠
袖紛披山鬼泣幾竿迸出太古崖老節雪欺初不惜

表將一片歲寒心不與繁華競朝夕東欄牡丹鶴翎
紅西沼芙蓉紺珠色歌鍾傾國樂芳年以色事人能
幾日何如鴨江居士詩骨清而臞手種此君忘肉食
不須拄杖敲人門万斛清風破窻北月中看竹掃秋
影妙得於心發之筆興來落紙出意表擬學湖州城
形迹嗚呼湖州已笑蕭郎遠今代名家澹游客君不
見李杜文章万丈光一日齊名偉高適

乞鴈歌

呂東平江海客一鷓盤鷺空百老耒機械淡相忘
雙鴈隨行聲格格階除得食藏頸眠惱不及鄰耳亂
聒兩堆晴雪春不消暮映書窻生夜白終朝司警代
黃耳夢破煙泣秋拍拍主人對之心愈閑感念物情

終桎梏家中又厭食蟻蟲一夕籠歸山下澤今春郊
捕衆鷄息百日已能過所出青山滿眼映一群泛浦
眠沙白勝雲稻梁棲晦秋正美約我充庖潔口殮能
鳴見害古所惜我心念之生憶仁勸君深藏養子刀
解縛歸耒養雪毛右軍閑適久無伴許贈一隻相与
遨西溪秋水深幾篙江天漠漠秋風高歸飛不隔暮
雲遠放尔縱觀心亦泊俯歌雙鴈行仰送孤鴻杳洞
庭歸客渺无音万斛羈愁坐中老節旄零落瘴海煙
冠蓋都門開昏曉我欲因之附尺書西北煙塵靜如
掃

夏夜晨起理髮時目疾新愈

居閑早眠復旦起遶樹行吟殘月底鄰鷄聲裏候東

方曉色雖分氣清美雙瞳自為苦所纏兩鬢鬢鬢思
旦理青絲髮散滿有雲千梳未暇百梳勤餘邪細逐
老節散風露氣入秋蓬根䟽通百竅勝新沐一洗耳
目清而暇朝有蠅子暮有蚊事隨日出更紛紜侵晨
有此至良劑肯羨郊盃松醪春詩成因謝草堂客愁
康養生非妄論

衡門行送陳長卿

衡門棲遲樂吾樂甘着輩流譏束閣長河其奈不療
飢誰暇物情論厚薄前時行臺領漕計處士半為餬
口起長年巨鼠有餘壤比比吾儕廢生理嗟哉陳君
何苦節天東游子天西客監河執去餘藥在客舍半
椽淇水測書生辛苦學干祿入手青衫得藜藿塵埃

風雨蹇驢瘦日就空倉自羈縛今年幸得解由了超
海挾山初不惡暮春之初日東作陳君叩門聲剥啄
向予長跪話遠行上計又須趨薊朔携書五車煮不
堪舉室舟行更蕭索前因未必是亨衢着脚如堪戒
前錯若於金粟例言拙誰着裴劉供調度逢時正有
利不利有命豈論賢不屑長歌西北酒一杯浮雲漸
遠天寥廓東曹若見王春官道我行藏事如昨幾年
奔走一墮旣蕙帳歸來慚怨鶴濟時幸有公等在擬
把一竿尋釣壑因君悟我向來非相送出門還一喙

大霽行至元四年五月十五日也

雷師掠地西山麓北會豐隆出蒼峪崩雲掩落赤日
烏烈缺光騰燭龍目黑風駕海天外立万騎先聲振

林谷雲濤怒捲惡雨未中雜冰丸幾千斛殺聲咆哮
屋碎瓦百萬神兵自天下奮然橫擊合陣來昆陽之
戰何雄哉又如馬陵之道方弩發矢下雨如死魏甲
斧形鷄卵見自昔異狀竒模此其匹野人庭戶變綃
館霧湧煙霾與龍敵又疑蛟人泉客泣相別淚灑珠
璣恣狼藉葉穿鳥死庭樹慘禾麥擊平驚赭赤神威
收斂俄寂然瀟瀟合浦還珠玼整冠變色立前廡但
見土窩萬杵一一皆深圓五行有占非小變調元失
所誰之愆又聞夏冬愆伏之所致亦以坎治持化元
孔子修春秋二百四十二載間特書雨雹凡兩次大
率貶黜臣下侵君權况今朱明壯陽月胡為縱此群
慝之所顛歷闕上訴九虎怒蟻虱小臣非所言獨憐

田家被畱者寒耕熱耘手足成胼胝差科大命寄一
麥眇眇見熟瘵饑涎一新到口不得食哀哉何以卒
歲年

捕魚歌

塢西溪水深及篙漁戶曉集拖輕舸縱橫張網截兩
溪擬叉遠混驚銀魚柳陰潛泐深且密大魚小魚爭
遁逝須臾合網環深碧薄摻提網從掇拾小魚骨星
半死生口頰驗喁無足惜就中一魚匪常材黃金作
鱗尾砂赤泳游本在孟津居波蕩江湖事行役中涂
遇厄夢不神騰躍舟中有時立漁郎迴艇催歸急幾
處金盤待鮮食夕陽澹澹洲渚空回風滿峒溪神泣
網罟設弓水不深役物而君戒貪得古人數罟不入

池以時漁捕湏盈尺今人古道棄如泥竭澤焚丘意
方畢野人有樂在濠梁澤畔行吟三嘆息

宿仙山朝元觀題示

太行北走開四門川原落落風煙屯仙山西峙如虎
踞石嶺東抱猶龍奔道林中蟠百餘畝顧揖殿寢何
雄尊仙翁得僊事悄恍碧霞洞主玄元孫百年朝元
去不返寶籙秘泄風雷燉陰靈訶護石壇古老兩留
清蒼苔痕緬懷矯矯東瀛老變化能大天滇鯤謝公
本是濟時具誰使卧老東山墩豐碑不愧蔡邕筆再
拜遺像儼以溫我耒夏交樹陰翳万橘翠瑣芬蘭蓀
平生素有林壑癖苦厭園園埃霾昏每耒福地愛瀟
爽跬步乃尚仙凡分山川景氣得人勝喜對羽客開

清樽夜深靜卧月東出林影布地翻瑶琨天風吹空
万籟息明星當上手可捫恍然人境兩奇絕月露一
洗清心魂世間塵土幾千丈有夢不到瑶臺垠人生
幾何胡不樂例自跼束駒服轅惜哉清景不可駐一
聲啼鳩開林煙明朝人事随日出坐看蟻穴蜂衙喧

鴈門公子行贈李仲明万五

鴈門山高幾千仞風土雄尊號全晉君侯年少出純
袴裘馬輕肥宓時雋古未豪傑數幽并柳子不須誇
晉問蹇予三年東魯客鹿裘青衫鬢雙白書生無策
伴侯籍尺蠖泥蟠甘退縮此時全君幕中游袖手旁
觀看超越條籠脫落不受羈意表出奇人叵測健於
豪鷲快一擊霜翮盤雲執鷲空百愛君肝膽向人開遇

事剖析无留材世人荆棘塞靈府米事掛眼生嫌猜
丈夫所貴氣為主行義不虧誠可取區區心計米益
間束縛真為抱官虜相期心事李西平錦韉家世蜚
英聲天其藉此作事業未害蹉跎魯客卿眼中人物
真知己舉世論交多逐勢贈君一片百年心意氣相
傾岱如礪羨君才氣真英耳鬱鬱安能久於此煙華
紫禁正縈繞臺閣群卿半卿梓明年焯焯動北方騰
踏風雲乃吾子

贈田生赴監河之召

田生操履凌高節三載奔馳秦隴月長年愈嶮見世事
艱中道毀車思遠業故人戀戀監河侯願分斗水相
為留古人有志患不立抱關擊柝非所羞君不見黃

河三尺鯉風濤終化禹門秋

贈孟祝史德卿還燕城

孟侯落落明時佐從祀歸未喜相過探囊擲下珊瑚
鉤海岳英靈驚甑墮淋漓元氣星斗光照徹龍淵得
竒貨我初把翫三歎息不覺秋風吹屋破太乙真僊
令綺季入奏竹宮瞻紫氣受鰲宣室想所陳不獨碧
鷄金馬異朝家望望董西賢祝史孟君今偉器明年
豔豔動北方館閣風生驚馬一世因之啓賀廉行臺為
國得賢真宰惠

題韓幹畫馬圖

韓御史君美所藏索賦

火輪凝空汗如洗老坐烏臺簿書裏韓君忽出天馬
圖瀟颯朔風生駁尾吁嗟此馬未西極細看一骨千

金直當時開元監牧盛赤岸千群雲錦織奚官袍帶
蒼髯戟碧眼深藏九方識豈其此骨獨當御轉盼君
恩仗前立幾年扈從東封還霜蹄蹴踏長楸間驪山
武事厭不講剪刷日應供帝閑寫旗百里臨潼道華
清宮殿春風早黃金羈勒王華駿遊幸君為玉環老
幹時供奉屬車塵思入星精奪天巧興未承認貌真
龍冀北驂駟歸一掃古人盡馬需神品骨相權奇氣
深穩將軍曹霸幹所師千古丹青少陵引韓公得法
固入室千丈光輝誰所準自經題品雪堂僊韋偃龍
眠徒滾滾嗟予何者牛馬走開卷賦詩還自哂韓卿
朝騎御史駟暮擊九禽健秋隼更煩牢鎖玉麒麟隄
備雷風車轉秘本

梁秀才惠棖梁時在制中

君家堂前棖兩株汝父當年手親植洞庭波子霜滿
林摘惠晴窓慰幽寂夜堂張灯動春酌脫帽驚呼夢
疇昔摩搓兩手三日香感舊懷人淚霑臆一燭照耀
黃金苞露香冷落銀觥挑呼兒走問鄰墻酒早晚玊
珠滴小槽

三勒漿歌有序

唐代宗大曆間幸太學以三勒漿賜諸生
此後不復聞於世今光祿許公復以菴摩
訶毗梨三者釀而成漿其光色曄曄如蒲
萄桂醕味則溫馨甘滑渾涵妙理及薦御
天顏喜甚謂非餘品可及遂時供內府不

肖以露瀝之餘發為歌詩于以見

國朝德被四表方物畢至之盛詩公愛

君之心以湯液醪醴

聖壽於無疆之休也

金天一氣何奇特異品珍材表馨德翠籠萬里入貢
來赤佛堂西漢家邑異哉三勒見圖經祗解有靈能
愈疾豈知用外截妙理瓊醴蔗漿非所敵誰傳釀法
自太古滿甕春雲元化濕就中至味真玄酒豁達靈
根三益友許公得法神所傳一醞天成漢重酌儀狄
拊掌著昔伯鸞五百年來未之有芹香背炙固區區推
以愛君忠且厚彤彤芝蓋影擁紅雲湯網初收在靈囿
月華冷落露盤冰三噉芳溫挹天斗金壺激灑久承

開化圖書館
kaohua library

10

上

開化圖書館

kuahua library

案不能餐我輩何功食天祿

秋澗先生大全文集卷第六

開化圖書館
Kaihua Library

卷之二

七

開化圖書館
kashua library

秋澗先生大全文集卷第七

七言古詩

題薛少保稷畫鶴圖

晉公化筆神胎禽超超中有萬里心通泉老壁墮法
昧此幅寫影逾精深細看粉墨色欲盡元氣突兀開
雲林雙脰森碧玉老頂朱砂丹舞風警露兩無謂理
此脩羽何脩然稽起不受世塵汗真骨照映蓬壺僊
王恭雪鬣忽散亂幾點冷卧瑤池煙恍疑坐我九臯
下髣髴清啖聞秋天華陽宮深春晝閑晴苔冷啄松
陰寒宣和六客儘模寫夢不到此宮清妍蹇予三年
事擊搏俛仰隨人空飲啄長纓塵滿抗凡容比擬孤
清餘愧忤君不見坡仙作嘆真可人退易進難良自

度摩挲老背忽驚心以倖乘軒非所樂仙樂月露濯
金莖綠野風煙連竹閣得陪高步繞池塘老我何心
望冥廓

僧傳古坐龍圖嚴東平所藏至元二年秋
九月張簽省耀卿處觀七年閏十一月甲
戌公退馬上偶得時秋苦旱冬天無雪

深山大澤物所蟄千丈懸淙掛青壁潭陰水黑不見
底老雨初開元氣濕蒼龍何處行雨歸闖首踞坐紅
雲堆山僧駭絕噤不語萬壑陰霧生緇衣咄哉傳古
隱龍性隔戶馮影窺天機一從元化墮此筆飲海不
復觀晴霓世間盡本萬尺蠖尾鬣一掩無晶輝比年
一旱幾焚如牲幣空事山川雩群龍癡睡洞府黑六

合任使黃霾汚何當鐵匣出雷火衝屋而去騰天衢
六丁奔命僕射御倒捲溟渤天瓢輒滂沱一洗軋坤
淨却歛神功寂若無

趙邈齟虎圖行田給事和卿所戲

巔崖老樹纏冰雪石崒崒枒枒橫積鐵北平山深林樾
黑下雖有逕人迹滅耿耿老虎底許來抱石踞坐何
雄哉目光夾鏡尾束胯百獸却走潛同埃趙侯欲盡
神妙功都着威稜阿渚中想當礧礧嘒墨時衆史縮
手甘凡庸至今元氣老不死神物所在纏陰風前年
驅馬下靖邊岨東突起草底眠腰間恨無鐵絲箭寢
皮食肉空長嘆今朝過喜一嚼快熟視湏頂為摩編
貨馴跖服暴戾息弭耳道義思拳拳主人愛玩中有

謂遇事炳變通經權我聞漢家大獵陸冰天豸冠思
賦長楊篇四方猛士今雲合早晚龍旂到渭畋

楊秘監百馬圖孫子譽歲

異北之士馬所生息軒英爽房良精定年苑馬九幾
抹故老一說驚龍騰大青小青帝所御勢與八駿爭
馳衡先生此時行秘監扈從幾賦汾陰行翔麟日給
盡龍種春風不省鳴鞘聲楊侯疑神洞化窟筆底抹
電流雲傾當時一紙萬金重曹霸撫掌江都驚生平
寫影幾千疋未若此圖真傑筆明窓一日百回看元
氣淋漓悵猶濕陰風獵獵吹旌竿雲黃草白沙漫漫
大奴乘秋閱清峻渥洼洶湧翻晴瀾浮深角壯遂天
性不數南山之下汧渭間安得武縣三萬騎濁浪蹴

破東南天蒼茫回首鍾山渡一凱歸來入漢闕華陽
春草三千里還似駟駟盡裏閑

和姚左轄梨花詩韻

主人愛花情不薄淚粉闌干秋寂寞東欄一樹要洗
粧走報詩仙揮翠杓醉歌不惜玉山頽明日春風紛
雪落杜詩韓筆世所驚大敵無前鬪清廓王城春事
歲如許三載癡牀如酒惡何時翳鳳駉群僊華時吟
眺青山郭

絳州法帖歌謝張元礼兼呈按察先生

君不見晉人九京吾莫與天遣元精留網楮絳州一
帖天下奇要以鍾王為藝祖內家中秘無雜收餉間
等書為世取固知瓦注觀天巧虎卧龍跳照今古羗

予嗜書昧所守集古無由似歐九王城陸海幾燃犀
下照光恠駢萬首管窺雖得見一斑隨即遺忘非我
有承君惠此石本佳銀字模糊真弊帚奔蛇走虺幾
千丈詭狀竒形驚戶牖手追心慕日有得顏氏服膺
承善誘明窓一日百回看十襲深藏重瓊玖就云好
竒家四壁破屋潤餘豐且部三杯適喜徑醉眠墨池
濡首追狂顛覺來捉筆便揮灑徃徃逸興驚蒙顛裴
旻劔舞凌雲煙作詩聞君君豈然料應一笑絕倒乃
父中令前

題趙伸器治古齋

我官御史二十月秩滿身閑在京闕朋從日約扣人
門閱盡名書古號餐餐古人不作古意在鬼刻神剗多

巨測喜逢治古齋中老論說精英採天巧及觀呂氏
博古書照眼形摸總傳寶趙君陶鑄真好手元氣鴻
濛驚再剖典刑髣髴三代英賜器政宣皆弊帚免憂
躍治不祥金蟲臂鼠肝爭好醜

題都山老人慶九十詩卷次胡貞外韻

古風三百聖所刪福履詠歌先壽考後人作計競朝
昏徇利覓官甘妄繆正緣得喪損天和稟受不只歸
薄厚劉公九秩固天與護養風神逾稚幼脫遺外物
委路塵保蔽元精若勲舊歲寒霜櫓自後凋露影朝
菌不終晝笑看蒲水鴨頭綠細捲春風釀重酎一杯
吟醉頰浮丹不羨周人台背斲古耒純孝錫類多行
見諸孫紛彩綬

惡溝行在平陽翼城縣北大尖山中

西烏嶺下唐都鄙歛得平川心適喜馬煩車殆問前途人說北山路無幾朝來徑走山南坡崗勢稜層登陞址蜂回路轉十里餘驚度惡溝深井底偃身直下幾百尺十步徘徊九還止南來山行五百里屐齒磨平無可趾折升雲頂俯哀壑山似鯨翻掀鬚尾羊腸絕磴盤不盡弱徹前峰後如指王陽斥馭心固壯老馬凌兢垂兩耳曾中大物已隱然又爲此山相角倚我觀晉問非眼見今日河山真表裏畦田高下畫不如煙崦人家穴截蟻晉人勤儉風土然山頂開耕自山趾一立一壑瓦幾家而復唐侯風化始河東大抵九分山民既能勤生自救蠶絲保障兩雖拙獨有一

安差可擬山間一笑自絕倒汝亦何為論治曷忽當
疑逕問畸人欲答予詢思所以如君面帶麋鹿姿遽
縛塵纓解蘭芷優游文史恐難任涉險乘危胡至此
世人欲速見利心捷徑趨時豈君子終南譏誚責未
了千古坦途人所履咲揮植杖指東張汝急去予無
我况若非隱者荷篠徒行念斯言真到理暮投僧舍
不能眠走賦鄙詩還自箠

題趙城南王開鋪樓壁

老澗盤回幾千曲洪水平來兩崖出色居遠適依地
形南北經行看不足羣山掩映肺腑如河水索紆衣
帶促畦田雖狹水所腹風俗儉勤仍歲熟東西南北
總除官此心少盡物自安區區薄宦封丘耳有懷莫

透空長嘆為問霍河橋下水驚湍能激懦夫肝

清江引為僧來真賦

秋江水清深幾竿漁郎放舟煙渚間中流舉網紫鱗
出不祇博酒供盤殮借問漁翁樂何主泛宅浮家無
定所賣魚生怕近城門肯到紅塵汚人處蘆花兩岸
晚潮平憶著尊鱸思徑去朝廷物色那可得澤畔行
吟何自苦滄浪水清濯我纓林婆酒熟容賒取人間
萬事一醉休睡煞江南煙與雨覺來滿眼是青山獨
速綠蓑還自舞漁父樂真可與細瀉焦桐入新譜謂
操有清獨來山城官事紛薄書亮吏對斜曛開圖空會
漁家趣我恨不若江頭人

張郎中彥身督太原獄運道出平陽索鄙

語為餞因賦是詩兼簡子初宣慰

元年天策開明堂千官勦佩爭翱翔當時張君正年
少挾書不減陳元康我初得子知遠到自笑野鶴空
昂藏河山分陝嚴津吏六道煩君居右地十年坐聽
棹歌聲置散投閑非所意試難去易九幾書思遇蟠
根伸利器南未督運并門煙鞭箠心計驚孤騫萬材
蔽河晉山兀目中已具龍驤無生平故人王衛州東
南開府羊杜儔竹頭木枿方並蓄如君俊才當見收
自憐右屬橐鞬意射圍何時補唱籌

平陽官府行奉送部掾劉文偉北還兼簡
省臺諸公

平陽官府居上游我未視事星未周眼中之人競誰

得東西兩曹李兩劉一朝歲貢入民部折獄論文欲
誰語老夫雖獨心所喜雙鶻乘秋看掀舉自憐白髮
一衰翁終日區區簿領中米鹽細碎固當略要以不
盡心為忤君不見鄭公溫國兩通判至今德業昭河
東嗟余何為秩尚等正有報國公而忠何顯至言豈
易得耿耿孤懷庸自適因同寄謝臺省公儻有伴未
慰岑寂

鷓鴣詞甲戌夏六月宿李將軍林館聞之
有感而作寄友生王宣慰子初

樹頭玄衣郎徃徃人罕識汝舌幾許長音響乃尔激
穿空裂霜竹借問何所職農家呼汝為夏雞隴月向
斜鳴不失田間趣起早耕人秀樾深歲曉無迹陰陰

夏木共山邑二十年前讀書客一聲驚夢入幽窓露
氣滿空庭樹黑只今早暮無所為兩眼昏昏頭雪白
咄嗟禽鳥逐時新我髮何由黑如漆

遊姑射山神居洞至元十一年正月二十九日也

幽巖洞如瞰陰壑洞口飛甍架虛閣眞僊乘龍竟何
在香火千年事如昨蒙萊一言疑萬世搗死荒山丸
幾輩何殊山石老且頑我欲斫訂其能還呼兒喫折
山花看淡白長紅恐自然

比洞名王母洞

南山截然如案齊東西兩崖相抱圍洞中僊人去不
返老拍滿巖空翠微我耒天氣二月初山鳥山花皆
友于野情本與樵漁熟莫遣遊人避使車

銅方爵歌為罇器之賦

荒陵盤盤枕山垆石麟埋沒秋草平陰磷夜出金作
聲牧兒走避群雉驚佳城一朝見白日神物還從野
人得勒銘王子歲幾周考究古書猶可識篆文鐫刻
非近世周鼎殷盤迺倫儼兩柱作掌一作貝形四趾垂
象齒雷章繞腹隱觚稜老鳳喙長驚下墜土花繡漉
不敢銜翻成翠羽丹砂紫我觀三代制飲器多圓體
咄尔形模方剗刻殆神鬼秋菌春蒲非可比物之隱
顯固有數流落君家得所止土雖好尚具眼少博雅
如卿古君子補亡呂氏尤取重元氣淋漓開太始君
不見達人觀者今古一昏曉人生極壽百歲止作
計千年意何藐我歌君試聽古人誰盡了九原不復

作此器君當寶一笑尊前為傾倒

短歌行山中寒食作是日遊李馬二墳

花枝入簾晴晝長游絲翻空網春光一聲金縷酒滿
觴聽子短歌踏春陽雲淡風清日將午信馬東城歷
煙隴人家野祭須墓頭白白紅紅滿原圃飢鳥欲下
影婆娑不待播閭徹盤俎陂陵高下來麥青青貴賤賢
愚同一土况茲百歲忽如寄過眼浮榮誰比數古人
感此由重論力取功名照千古東崗畸人說隴西攀
附雲龍摠風虎鉅株枝散勢莫依蒲索荒丘穴鼯鼠
豈期健婦持戶門一片豐碑論世譜林宗不作蔡邕
死旌紀紛紛爭媚嫉銀罌酒煖藉草坐蒲引一盃私
自語吾家先穉在衛南老栢如林百年許起身未報

世有澤嗣及先君擬掀舉生平抱負奈數奇賣志下
泉良獨苦悲纏風樹逾一紀業在青箱恨難抒伐柯
有斧睨不遠負荷至予尤莫取一官羈勒晉州城竚
望南雲淚如雨

風秀丹山歌至元壬申未官平陽得之於
錄事參軍周榦臣處周子弱冠時同舍郎
也十一年春三月十五日與兒子孺讀王
黼朱勳傳及僧祖秀華陽宮記因作此詩
以贈周云

宣和寶石真洲藪萬狀卿雲照靈囿當年幾數金太湖
空盪得網舡枯九有丹山風秀徽所譜製嬖金書瘦
於柳周郎携乃自河陽城夜壑雖深縱豪取一峰突兀

王潺頰曾在紅雲顧眄間先榮後悴物常理我今感
汝為長嘆喆來伴予茆屋底憔悴秋娘歸故里清燈
搖搖光滿几爐煙作雲研酒水老虬蟠屈似求伸隱
隱猶能鱗甲起此時對君心境閑人為物遷今亶然
掩書瞑坐清思遠夢繞華陽松挂寒我思象江老守
尤酷嗜不惜千金輦致來長安家無婦兒居無廬六
石與伍歡有餘義山賞識豈徒爾愛螭好尚極類古
人之意欵一杯下咽歌者誰南廓小子王共谿

醉歌行

燕平湖作時為平陽府判

蒼陂水漲玻璃滑堤柳含煙翠蒲茁當年亭館已陳
迹老樹遺臺猶秀拔我來置酒池上頭使君不負驄
馬遊縣曹供張散平碧呼集妓樂羅珍羞君侯一笑

開懷抱十日東風醉芳草自嗟客子何所有春色三分二分老人生歡樂不易得况值清明時節好終年塵土薄書裏未礙金尊重傾倒湖光照眼明羅綺碧漱瑤翻歌扇底氣酣急遣張水媿取樂不論冠佩委溪風吹面穀紋生兩葉蘭舟撓鼓起紅衣飛墜彩繩高没入蒼煙驚躍鯉郡人亦喜歲華新四面縱觀空巷里佳人弄水被不祥公子聯鑣特觀美錦筵香細酒不空既醉窮歡忘誇靡溪神捧出柘枝娘翠袖娉婷矜便體繡靴畫鼓隨節翻羅襪塵生步秋水一春盛集固云樂此會賓僚尤燕喜山陰修禊晉諸賢暢叙幽情差可擬客言行春似蜀守醉到浣花而已矣樹梢晴日向斜暉使君皂蓋先醉歸就中二公取愛

敬核次臨流盡餘興一杯未了風翻浦山公倒載尋
歸路自矜白髮非春事多爲湘妃厭歌舞呼兒覓紙
紀歲時不以斯文烏所覩至元乙亥三月春元巳纔
過日在寅浩歌月底還自笑醉裏詩成似有神上二
公謂同知張明卿治中忽吳甫

玉壁城懷古至元甲戌冬十月廿五日由
稷山入萬泉道出故城臨風吊古慨然有

作

我行河東幾欲遍大抵盤回山阜轉南崖高與北山
齊玉壁城根分一綫荒煙廢壘點杯土砲具梯衝經
百戰短碑盛說鄭君靈萬騎陰風想平甸一曲悲歌
敕勒川當時神武已凄然韋公守禦儘良策更著百

升飛上天乃知誣殺咸陽日即是邕皇入鄴年鄭君

寬封 堯有宋元祐間廣碑邕即字

聽祥師彈琴十二年四月初四日野真崇福院作

冠帶對鳧吏三年簿書叢王事固執掌我祿亦已豐
有時意不愜耐此魄磊曾濁酒餘妙理中堅若為攻
朝來偶過野僧話禪房花木幽而通坐中靈府覺虛
寂祥師為我彈秋風古人不復作古意留焦桐秋聲
蕭蕭隨指發煙篆裊裊紫簾重悠然拂衣起遠日翻
冥鴻閑愁積思失所在盡隨槁葉一掃千林空

襄陵行

暮春庚辰日維丙駕言出遊事耕省西郊微雨半晴
陰幾點殘雲霧山頂馬蹄踏破落紅香飛蓋追隨垂

柳影晉人熟食一月節店舍無煙竈厨冷春到襄陵
滿縣花綠陰池館揔姚家清尊遠酌會心賞不與鷺
燕爭春華盡輪歸輟故堤沙金店西頭酒更嘉舉杯
為憶劉漢事雲龍風虎何紛拏帝洲東開蓄峻址青
衣行酒真驚麕褰帷一笑兩寂寞野老指點宮臺窪
妻迷悲碧荒城曲依舊溪流帶北斜

贈賈主簿德遠赴春官

唐風思遠非難治竊戒官僚多自棄賈君三載趙城
簿一縣至今稱事事秋風告別赴春官千里辭親不
憚難須知捧檄毛卿意要盡平生菽水歡

戴松畫牛圖

吳儂四時耕瘴煙吳牛見月心茫然戴郎此本極閑

逸筆意遠出韓公前解縻脫鞅春車舉江臯野草香
羊綿歸鞭影亂散平楚考牧大侶斯千篇因渠喚起
歸耕興夢到西山谷口田

李營丘寒江晚捕圖

古人不地著所向無賦租漁蠻舟為家一葉縱所如
斜陽淡淡明江湖萬魚戢戢依寒蒲幾家罾網晚未
已博酒欲得松江鱸卧檣傍舫宿波面不爾風浪防
艱虞何當醉帶空罾去添我煙波作釣徒

七夕日同府僚觀稼西郊

秋風蕭蕭吹遠林兩山極望秋禾深同來觀稼憇樹
下把酒一笑高槐陰天公成事乃尔易一雨變作豐
年吟田家耘耔心未已當午相看理荒穢鋤端信有

三寺澤更為禾頭添粒米自憐微宦西復東且喜所向無災凶立民得所能事了我祿雖薄亦已豐老農堅話使君惠我曰論功歸太空天子

仁聖感致時雍

黃崖行

黃崖峪深能幾許殆似赭餘無足數寧知奇石產山腰一脈砌如縈綬組青章紫質含玉潤錦笈爛斑驚製縷楚雖有材為晉用山節星馳來歷覩簡書專摘正官臨敢惜筋骸嘗險阻寒裳上下谿谷間石角鉤衣互撐拄是時秋暑八月交背汗浹流氣煙吐班荆坐憇還自笑汝是愛山王判府守官四載愧無功今次於公竭肱股役夫分功日有程荷鍾持鑿編什伍摧堅抉礙先墓脚不假鞭驅矜智取風埃蔽壑散雲

煙巨石砰崖轟戰鼓不遑蠟笈阮孚遊真作伐山靈
運舉老翁炷香適何來再拜向山親呪詛溟滓纒分
有此山其在晉邦羣玉圍山靈萃秀不自銜埋沒荒
山幾風雨材爲世用出有時一旦承恩藉君武漢家
製度陋羸秦大起明堂朝海寓堂堂天策千維城建
國分苑開雍土正須壯麗稱王宮不爾何能回萬舞
我今問翁汝何為扶杖叮嚀前致語翁云匠業屈此
山薄伎傳家自吾祖我雖垂老喜見此側陋明揚遇
時主夕陽欲下山更好疊巘措峯爭媚媿人為物靈
固直真然石兮石兮今玉汝

曲沃道中與老農語

大尖山前好原隰隴畝橫縱忘南北人家種麥秋社

前一片蒼煙朝雨濕田家稍豐即升平十年遊宦初
無成會湏了却人間世白髮歸來伴汝耕

新道成車中即事

蜀山天險古所畏少陵有懷真宰罪壯哉此舉見成
功一日連峰驚破碎老農僂俛向余言所謂一勞而
未逸相携徑下弱羊巔鳥語山容兩豁然牛箱籠負
連連出坐看輕塵抹白煙

之
金店馬生者贈余峴山圖走賦是詩以謝

平生愛山復愛畫近歲長遊石林下暫還大府宿金
城喜得馬生同夜話共云馬生非畫徒見來情性溫
而愉坐間贈余峴首畫江山秀潤與馬俱取之非欲

奪所好開卷即與馬生對坐隅物微意厚將何答走
賦新詩當乘珠

山中瓏研歌寄商左山副樞

有石有石玳瑁色遠出姑山兩崖側我來伐采偶得
之玉潤金鏗駭清越海霞蒸發爛朝暎蒼雪糊模點
晴碧石中迺有比理存齧就庚庚玄色璧又如神龜
負圖出淵水偃仆沙頭曝秋日山中長夜有餘暇老
眼看書苦無力挑燈確洗愛竒章憑几坐餘腰膝屈
書生習氣老不除筆研留心朝復夕自憐持此果安
用欲擬三冬文史畢呼兒起視夜何其斗柄參橫插
東北

題董少平廟壁

湖陽蒼頭虧政刑湖陽新貴帝女兄漢家三尺有成
約臣宣守法身為輕主前取奴縛車下洛陽一市為
震驚大奴走匿魄已褫小奴側足回輿行含悽入奏
温明殿後漢名殿萬乘起謝難為情祇知強項古遺直我
愛世祖英而明一丘荒土青山道下馬陵前拜秋草
應笑推姦百鍊剛比比柔夷指堪繞

吳娃行

至元十三年丙子歲冬十月廿八日七宋皇太后謝氏次衛州唐津

渡是日即舟行東下故有是作

元年長星竟天芒

謂至元年也

十年而後江東亡元城老

嫗忍不死奉璽北走朝

天王內家監領分嬪嬙魚冠高髻猶官粧翠衿縞袂
不曳地言語無異甌閩儻南來初渡鐘山江羅鞞去

踏燕雲霜風塵千里河朔道慘淡粉黛無晶光憶昔
掖庭初選入十五十六先後行深宮花滿春晝長笑
蓉水殿薰風涼朝儀雙引垂紫袖珠櫳曉侍熏籠香
祗知秦娥一生花裏活眉嫵老學吳山蒼一朝兵合
景陽宮故國繁華似夢中兩宮問寢紫宸仗往事盡
逐江烟空黃帷幕野侍水次郡縣護送浮航東萬人
山立看且嘆亡國大略今古同太極殿前天子班玉
觴上壽頰龍顏柴家母子何負汝賜與僅免飢與寒
悠悠万事不可必天道好還歸有德就中此理誰會
得蓮華峯下高眠客

鎮州懷古

吏部聲華山斗重身處平時若無用積年玉湊失臣

度諉使賊庭撩虎關舉朝嘆惜試不測天意中間表
竒節血衣滿前盛氣臨一語未畢竟鋒折鎮人萬目
矚使華五紀得瞻唐日月嗚呼蔽器於身利有餘不
遇蟠根何所別

周卿二子歌

周曹兩家世系長伯仁之德再世昌諸孫誥誥見身
後不數謝家蘭樹芳大兒讀書書滿箱小兒竹馬青衫
郎掌中瑜珥生輝光紅點杏蕾爭晨粧外家碧沼東
西堂金粉滿貯芙蓉香今冬書來召歸省要畫百子
春池傍伯仁有靈亦含笑紫川淵流殊未央紫川淵
流真未央

冬十月朔展墓田有感

新壘多故人少野祭蕭蕭浦荒草十年重到故鄉山前
日兒童冠佩好我時引鏡還自憐五十衰翁能不老
正須萬事聽天公不用時情生熱惱流行坎止即吾
師試看古人誰盡了

蕩樽歌
為宋少卿弘道賦

海屋兩間勢雄尊地維火荒足怪珍春雷奮蟄地軸
裂氣擁蕩本驚輪困雲蒸露濯玉幾園癭異不數蒼
筴孫洞蟹杯飲變古法鬱屈斧斲蒼龍根一朝六鑿
混沌竅海潤猶帶風濤痕初疑神螺闖首鬚髮古復
訝凍芽出土鳴鴉蹲坤堦古非禁酒國桂醕碧漱瀆
池春木蘭花發雪鸚囀野飲挹彼供鯨吞江妃竊弄
山鬼看深夜嘯擲吹燈昏炎洲北走落君手孝節閱

世清而敦廣平磊落書載腹時浥妙理開清搏金壘
玉笋非我事正須一日不可無此君殷彝周卣列左
右碧花繡澁腥龍紋蕩之為尊尤可人塞子蕭散嵇
劉客黃爐久為河山隔來遊都邑徒永久若恋明時
無寸策新豐樹色繞千官滿馬京塵歌偏側何時為
渠醉倒枕渠眠一夢婆娑竹林國

西京王生歌

君不見西京王生一布衣游談公卿奚事為解紛畫
策作陰助頌昉勢利輕塵泥延中結襪似倨傲一語
能釋當時疑惜哉太史偶失世與諱至今義烈猶光
輝軋坤英氣初不問乃今復得是子趨人之急逾已
私襟期有在許諾重駸足肯受黃金羈凍雲曉拂銅

馳陌雪花澹與梅爭白
平明東閣給事回家近沙堤
儘春色新詩吟繞錦窠香
笑作平原眼中客人生百歲
駒過隙只有聲光為可惜
丈夫適意杯酒間義氣愛
君多感激岷峨秀色錦江波
萬斛醲薰貯骨髓細細
都作濟時具辨與朽株為粉飾
吹噓寒律變陽春未
讓王生謀緩急君家義鶻固
有歌更為樊川搖醉筆

秋澗先生大全文集卷第七

秋澗先生大全文集卷第八

七言古詩

入侍行贈董符寶

君家大兄吾故識君家三兄乃友執游談仰止有歲
年只有八郎初未覲八郎內時五雲深五雲宮闕何
沉沉此時密邇司獻納夙夕忠謹餘月心人知掌中
金窠篆屈蟠螭重豈識兩袖中有蒼生霽慄聽民瘼
懷惻怛細至稼穡艱苦歌謠情

聖皇達聰豈有既

天語夜叉何叮嚀御幃香暖代鳴玉高枕安寢神遊
清翰忠徃徃抃時弊筆諫不數公權誠君不見西漢
元封神爵間兩朝貴幸張與金長揚蓮句滿宮館正

四六
以世閱遊從列九卿何如董侯剛方見特立大冠脩
劍明月簪日華光動鬱金抱鳴鳳翔集朝陽岑一從
通籍愈忠愨四海知有万石不為富貴之所滯書生
薄游不足惜風化正爾基周南炎蒸幽朔今一軌好
承清閑之燕請君一鼓解愠南風琴

小山行

馬子卿簽事贈予小山子日之口
共出故作是詩以謝

我管東登泰山頂直度天門歷參井十年西走華陰
東仰面蓬峰落天影岱宗坐如太華立夢寐至今猶
耿耿竭來塵土客京師長往無時空自省愛山復得
馬簽書相對高談冠佩整馬卿有石寄禪䟽護持擬
與經函俱中峯魁岸大人坐兩峰傍翼殆若庭立而
議相承趨我因閑遊叩僧戶見之清興為起予摩挲

携去便許諾喜過中流失舟還得千金壺汲泉滌濯
挾泥滓特置斐几為膏濡君不見羅池謾作万石記
娛悅已棄荒夷竭一拳秦岱隨吾前寸碧點出逢岑
圃博山香煖黃金爐細烟蒸潤翻飛鳥芳菲來助怪
石供縞帶一縷山腰紆有如岫雲雨歇歸洞府變化
滅沒還須臾羗予本是山澤臞澹然對之氣安舒年
來便靜百念冷今復樂此依稀仁者之徒嶽山容忽
開欣我主瞑目便到秦觀吳觀之仙都茶甌去手風
生臆飄飄如駕天門昇月明窓影印庭栢落落恍倚
秦松株地爐火熾紅艷發又似日觀坐看日出海湧
金輪孤茅齋一夕得此樂冷却案上熊蟠腹微官不
到奇章公甲乙乃有奇章之一太湖宅時南歸富潤

屋不愁室無僕孥居無廬敷勤厚賦何以謝我欲贈
之瓊瑤瑤雖美未足報拜贈新詩永為好

沙堤行

君不見漢家日月四百載比隆三代追唐姚經綸帝
業顧多士規隨始自曹與蕭又不見丙與魏孝宣中
興賴宏濟侶慚燮理化權衡重以文儒緣吏事羽毛
千古動雲霄黃閣清風兩無愧潭潭政府中書堂朝
廷思治具畢張歷觀至元中統間諸公翱翔佐時昌
相君繼踵叅慕畫快決不數陳元康况今炎風朔雪
混一統軍國庶務何穰穰一朝鳴佩見獨步思波鳳
沼翻晴光小心清慎富籌策人望翕爾稱賢良房謀
古推惟慳傑匪以杜斷疇能將璣旋衡幹日万計風

夜密勿心靡遑愛君南選儘公允要使四海桃李俱
芬芳我常叩君見餘蘊選進久已歸鞶囊柳陰大道
沙堤長迤邐遠並宮園傍錯金輕軟觀珂馬火城前
導光煌煌行人走避歎禮絕焜耀赫奕何非常相君
報國有能事澤民三代君虞唐火城沙堤誠足當况
茲三陽排疑出九地君子道長群陰亡惜哉時乎不
易得為君一言陳斐狂蕭曹開濟固云重丙魏論思
詎可忘

羽林萬騎歌并引

至元丙子歲立春后三日醉入奉御宅明
日酒慙隱几坐殆不能為懷遂取通鑑閱
唐明皇帝清宮事蹟作古樂府一章號曰

羽林萬騎歌書示表弟韓從益且浮大白
數四覺酒氣拂拂從指間出去矣其辭曰
常娘雞晨遵墓武牝雛啄李求太女履霜得冰忽深
戒禍始房陵帝私語神龍殿前虹貫日王氣龍池濯
烟縷羽林萬騎驍且雄守挺內外生陰風韞裁文豹
虎衣炳扼腕久弗諧常容潞州別駕眼橫電虬髯英
姿真太宗暗中結納許清禁繼以幽求玄禮仙鳥忠
玄武門前聽二鼓散亂天星墮如雨平明一掃妖氛
空相王已**是玄真主**東城瑞靄朝日鮮五三甲第臨
天淵三即歸來龍在沼晴波翠灩終南烟開元隆平
此張本烟火萬里春熙然誰圖勇斷蛾眉劍翻作環
兕並轡鞭畫家有玉環並轡圖

瑞雪歌

丁丑歲正月初六日夜作

去歲一冬無雪雨地不藏陽變恒煦就中氣運北自
南江表嚴凝比燕土今年正月日丙申我游中堂聞
好語 聖恩滂濡來九天四海包徃盡蠲取宰臣奔
走播德音雷厲風飛開萬寓油然雲葉合中天一雪
平明幾尺許建章宮闕玉崔嵬華柳蓬萊氣先吐漢
家燕南三百州千里飛章賀恩溥天人上下本一致
和氣致祥乖則異方春甫頒寬大書埃翳四開天地
閉春秋盈尺書有例太史紀言真上瑞都城十日沸
歡聲宿麥連雲見豐歲民願
聖皇千萬春長開明堂布恩惠元和老臣愛君深賀
雨詩成伸戒勵小臣今作瑞雪歌要見天心愛民意

謁蘇墳在汝州陝縣釣臺鄉娥眉山前

神嵩崩騰萬馬東汝流西來橫玉虹山川秀潤不少
悴知有峨眉老仙宅其中先生立朝有大節南遊天
使完其忠胷中英氣蟠不盡餘蘊散作文章宗天章
昭回爛雲漢下探萬古英靈空前年西堂觀先生之
真像今年此山拜先生之堂封嗟予何者有此幸青
黎得照龍淵宮汝陽樓上重回首安得追逐逸駕攀
高風滌濯固陋開顓蒙公雖僵卧其猶龍

雜言送文郎中子周宣慰江西道

君侯交游二十秋胷次磊落誰與儔湖海豪氣不減
百尺高卧元龍樓三年京師驄馬容搏擊快侶鷹脫
鞞郎官民部總十月持節撫慰江西州堂堂提封幾

千里陽關陰闔無深幽滕王閣上洪都酒孤鷺殘霞
重回首江山滿目詠我歌一曲陽關渭城柳
聖恩柔遠思悠久化自周南同九有大司綜理固多
端急手先須撫瘡痍四民樂業兵有制盡徹湖陂變
耕畝時驅大旆擁行軒布德揚威趁春首丈夫此時
不有為何者功名垂不朽我雖銀鬪思奮飛會把一
麾仍出守

義士姜侯歌并序

歲辛亥秋燕留守府叅謀劉坐事就死屬
其孤於友人姜君諾焉既籍沒姜為伸理
其子建官怒其僭張弓擬之姜不少懼即
裸身以逆遂義而從其請自是姜君義烈

聞燕趙間後折節從趙雲夢學子非其義一
介不取諸人丞相史公賢之以賓客禮焉
至元丙子冬同張彥魯入燕聞姜云亾追
念往事為歎歎者以之渡易水之悲風荆
卿已去念朱家之長者今復何人爰作歌
詩庶幾紹擊筑之遺音云姜諱迪祿世燕
人子尚其字也刘字正卿

參軍屬孤出鬼幽姜侯諾之無帶留一朝赤手編虎
鬚義氣凜凜橫霜秋命輕義重泰山比白羽迎射身
熊侯孤兒挈歸免孥戮姜子拂衣無所欲朱家素擅
長者風睚眦椎埋真碌碌魚紋三尺澹秋波千丈聲
華光輦轂至今燕市人嘆羨五百年來未之見張卿

說似予作歌庶激清風代君傳

趙穆篆隸歌丁丑歲四月十六日作

古人富席玳瑁玉無玷兼善不並稱例為長所掩
予觀當塗文雄放雜淒泝一朝玉筋名餘作鋒鏗歛
是知學與才相須成琬琰六經學淵會熙緝光自燄
道藝至貴自得舍瑟想曾點陽水嚮匪斯文徒秣解篆
畫方園撫千言落紙極停穩一雋而後將無餘明昌
王趙稱文儒問書竹溪真起予微言提撕何理到歸
讀六經茲本歛趙郎脩脩安態殊十年弄筆好古書
嚮來客燕見其作殆似蟬欲蛻殼地遺膚去久丙歲
復入燕趙郎篆學超於前我為驚懼問所以荅云近
得松岩之秘傳惜哉高君今已矣黃壤不沒蛟龍蟠

嶧碑岐鼓得遺法趙郎手追忘寢餐我因為渠際一
言書至形似真徒然行逢碧落卧其下發塚親得中
郎編胷中塵俗何由蠲正需力讀經與史他時會見
將與松岩並驅相後先

食梅子有感

穉歲食梅矜行輩並撥連揮噉長喙近年羅列雖滿
前黃熟有餘聊雋味極餐不過三數枚老頰流酸牙
莫對物逐時新歲歲同人到中年凡事退潮陽南還
幸不死齒豁頭童足悲嘸我今五十齒雖牢食不能
多行亦憊只有區區行志心若與公同人不逮

潛齋歌贈中山知府史子華

潛齋有志操不為浮榮污彛衷剴豪習概之詩與書

吳鉤佩錦帶寶校千金駒溢目不回顧棄如履中苴
嘗出試所學三年事徵翰衛人樂安使歲計公有餘
淵潛不自珍昭然霽芳譽不覲五載強去冬會燕都
與語覺道勝行身老諸儒神王氣骨清兩目秋鷹瞿
扣門來別我朱幡擁高車去作定州尹志意何安舒
余思潛之功於焉見容與中山物繁稱奧區燕南劇
郡此要途大兄持節官衡湖四郎按部參旗墟一門
鼎足列清要正有報國忠而劬凝香燕寢供坐嘯紅
旗鐵馬無邊虞心清事簡自多暇輕裘錦爛光鄉閭
况君才高足爲治聲聞日向天朝趨書來不必諮莠
議丈八盆邊有二蘇

長慶行酬暢純甫贈元白二集

長慶詞人幾勅教名動華夷說元白拾遺樂府即諫
章相國絲綸號新格天教韓柳出全時要使詩壇閑
清逸年來愛白復愛元老猷風花喜情實圖書東壁
黯晶熒五十年来無是集有時擬賦三兩題斷簡殘
編僅佔畢暢君好書似鄴侯荷囊去躍龍驤舟臨江
釃酒參幕畫佳麗看盡東南州棄人所取取所棄青
帙萬卷堆行軸蒼江夜靜虹貫月不羨克教琳琅璆
三吳歸來巾一幅蝦蟆池頭兩椽屋足跟不踏貴人
門磊落羣書載其腹自欣滯貨潤有餘贈我兩編償
不足恍遊赤水得玄珠咲入荆巖抱和玉脩脩庭竹
北窻風准備殘年露贖腹

虎牢關行

至元二年夏六月予與總管陳
慶南考試洛陽東還汴京道出

其下

鞏原北望河洛郊嵩邛東走春尾高憶初洪水勢方
割湯湯北匯深淵壕千年水去兩崖出天險東阮開
成臯中原失鹿在所逐河山戰氣秋蕭騷當年劉項
俛勅敵阮生猶為嘆非豪竇王倚角更可笑如蛾赴
燎其能逃秋烟古戍深黃蒿狐狸夜上關頭嗥空餘
千古荒城路輪輿行人說爾曹

送齊彥簽事湖南

廣平一生真相業老坐朝堂振孤節理明有守見不
疑萬事坐來能勇決我游洛師比盧龍嗣侯共事多
相從文章翰墨有定價落落真有先相之遺風今年
白麻拜新寵去去按部江西東朝廷妙選正有謂雅

卷八

八

志不負温郎馳江南綠水天
四圍秋風吹野百草腓
煩君華岳峯光舉着眼飛翔覽德輝

商鼎歌并序

燕士張君文季讀書不求官治生不務富稍有贏餘
即購求古器書畫為事故其家藏三代已來鼎彝敦
卣及前賢法書名畫甚富素負藻識遇夫奇妙不惜
資貨期於必得既得之傳觀惜玩初不吝惜暇則明
窓斐几展師陳列迺沾沾而喜曰古人不作古意尚
在三代之美精諸賢之純粹今吾何修一朝盡得而
有之其稽古尚友之誠靜觀適懷之樂於斯時也中
心充實意得所寓回視晉楚之富趙孟之貴不啻如
雲烟之過目遇佳客踵門焚香煮茗盡設秘藏為序

說家數評其論優劣雍容文雅有都城故家風味於是
稱也仙露寺僧寶藏商鼎有年不惜百金易而得之
愛玩不足復求館閣諸名勝詩詠喜為序其平生澹
癖仍以古調歌之其辭曰

維商賢君六七作禮重烝嘗制於鑠只緣近古俗忠
厚象形作噐窮精鑿敦彛鍾鼎賜臣工重比謚贈糜
天爵當時文獻不足徵故家餘俗婦寡索蒼銅不逐
太社凶千古流傳誇灑噩供佛牀頭夜壑深物婦吁
好得真托張君愁古負精識入手摩挲三歎息兩耳
高撐足拱三六乳附觚何的歷饗饗繞腹雜雷紋紫
翠英英帳猶濕細觀款識商父丁崑玉南金非所惜
平生澹癖心不足此日大嚼情暢適摸形迹紹考古

圖發揮假手詞人筆君不見當年莘叟負謁湯高宗
彤祭雉雉萑黃金塗耳玉鉉光此事傳聞已陳迹一
朝悅陞三毫間神明之器今日擊或裊沉烟讀誥盤
或挹殷谿煮巖尚友直探三代英平生閱古心方畢

歸夢謹丁丑歲九月二十三日夜夢陳總
管作時為浙東宣慰使十二月二十日密縣
王縣尹至知公於九月七日為越之玉山

賊所害

五更歸夢東南長越州城府山蒼蒼我遊不省夢中
客浮雲樓觀爭翱翔節齋枉駕來就見上廉進喜瞻
清光倒衣走欲降堦接陳公出避朱門傍斯須往謁
登西堂要話又別傾肝腸我公不之見蕃師滿禪床

卉服難結古碧眼須眉蹙爭先問訊展恭恪青松亂
踏天花香就中老沙彌合瓜伸圓吮向子致呪語陰
福來穰穰思公因覲對佛子坐久心思方彷徨儻來
促起公召汝導我前徃穿行廊追奔接踵欲不見如
瞽失相徒俵俵平頭闖首告前路終惑所徃心為狂
惘然推枕若有變但看落月滿屋梁我思與君別屈
指一載加相思葉黃江水碧神交日夜心曾遐自春
徂秋三入夢似恨海角天之涯吹燈信筆成詩句病
眼溪藤亂紫花

時日病新愈又暗用
來天元九紫藤花事

日蝕詩

至元十四載維龍集丁丑孟冬丙辰朔詰旦陰風吼
朝家有移告日蝕百司守伐鼓幣用杜庶齋關奔走

都城十萬家竟日喧釜缶壯於田單兵聲勢助衝拮

盃水觀日景占刻入午辰二創正陽精從西虧若有

物噬吞初看偃珥玦再覩已半輪終風轉蓬勃天影

慘以昏斯須食之既陽光蔀無垠始似昏暈鏡久乃

挂鐵缸團團溢陰影環輪玉為繩晴天朗晝藏厚夜

九衢草草人面青衆宿不多出爭光見三星謂填星

也宿只愁六鑿渾沌死蒼生百萬淪幽冥眈眈向申

正輪圓復其明炷香再拜立前廡心魄動盪久尚驚

隣翁行年八十一如此災變見未曾我問長老說日

月中有烏虎精顧兔固微物性狡陰邪萌人間三窟

厭不處緣雲入月為家庭太陽養火烏赫赫森神兵

飼肉祝融家渴飲咸池冷二足利鈎戟炬火燃兩睛

婪婪鐵作咏咏雲下開變陰晴曜靈壯汝莆與距外
侮有犯烏維憑六龍頓纏或少朝知有神物擁護終
是陰為懲不然日圍千里不一蓄棲尔其內將何營
及茲陰精盛所歷乖常經陽烏雖神力寡弱勢重不
敵從侵凌避集扶桑枝噤縮潛威靈想當既厄時如
何炎官赤熛不率其徒來助勢與聲彤幢絳天鼓雷
霆振烏挾日騰兩翮火吻噴薄摧陰凝逐兎入月朧
隱伏跼其形樸朔知所懼彌離黯光晶含章合玄度
安曜周八紘天公此兩目萬古更不盲嗟予旣匪義
和官區區空抱傾陽誠天高不可階此事難具陳作
詩擬月蝕欲見此志終或伸盧仝撫掌韓愈笑吾等
狂德君其隣

南宮老仙雲山圖

米襄陽筆應奉李受益藏

南宮玉堂春晝晴
瑣窗霧岫幽思清
先生曾次幾丘壑
淡墨落紙詩無聲
白雲滅沒春山碧
萬木淋漓元氣濕
風煙自昔鹿門深
似愛龐公不浪出
襄陽雲卧思怡悅
不為濃纖爭巧拙
虛堂生白定何如
玉氣柱空虹貫月

盧仲傑送所逸東萊集二帙

盧卿贈我東萊編
偶逸二帙心茫然
朝來覓送欲舞有似合浦珠
還蠟要書不必三萬軸
挿架所貴皆成全
風軒讎校忘午寢
一讀三嘆鏗朱絃
每逢佳處時再款
不惜兩眼遮昏煙
就中細味官箴作
覺我踈愚性最便

簽院趙公許惠歐蘇集作詩以問之

平生性癖耽墳籍細字牛毛早年筆只今五十眼昏
花清晝看時滿行黑投身散地百無事不著書遮如
有失趙公嗜書似鄴侯不為章句非雕搜縮持樞紐
日多暇借箸自有胸中籌更尋往事較所處有夢不
到琳琅瓊嗟余何者登瀛洲殘膏未免窺前修大淵然
濶海蛟鰐翥洞視千古蘇韓歐文如不作作取法捨
是三子將誰求窮閭雖具何足玩破碎重黑支吟頭
牙籤插架三萬軸誰省浙本鋪銀鈎或蘇或歐兩俱
可勿使石壁成空投仁存義舉侯門事却恐乘機似
巧偷

仁存義舉用史記管仲之門

涇陽鎮中秋贈馬

御史時予授監
德昌司南

去年中秋客燕山把酒望月空雲烟今秋此夕涇陽
鎮六合一鏡懸青天乾坤軒豁開真境萬籟無聲露
華冷京居多暇賞心違長路無家此清景須知世事
皆偶然賸却私憂胃刺梗同行喜得馬少遊月下
樽還對影愛君才氣白眉良攬轡澄清知所省豸冠
自古出儒冠老宦何為隨露警人生幾度中秋月不
學羣兒歆圓缺舉杯酌月月應聞安得玄霜變華髮
追逐諸君昌晚節

小邊行一百五日同摠尹張彥亨赴小邊
口相視河流回馬上偶作此詩

北趨小邊相河害坐看長堤驚裂壤中流忽起劉子
歎疏濬神功思禹大憶當殘金竟河界兩涯峽東如

紫帶靈鼉萬鼓動地來
洶洶聲聞千步外
堤防不議四十年
河行虛壞任徙遷
乃今去京無一舍
衝波南卧翻鯨鱣
今年築堤捍滄水
明年捲掃防涸淵
濤頭况與酸棗直
南北高下尤相懸
既非經濟久遠計
徒費民力妨農田
正有避移策上聞
放之曠野從奔衝
不然建議以土湮
大堤縷水橫西東
捷以木石東逾鐘
遊河東去過京角
此是永逸無窮功
作詩擬達宣房宮

夢陳節齋

至元十六年己卯寒食夜卧聞封後堂
夢節齋陳公既覺呼童吹燈信筆賦此
追憶往事令人短氣書示正甫敬甫二

君子同爲一旣也

花枝入簾春夢香遊絲翻空清晝長今年寒食客梁
苑追憶往事心彷徨前年考試登玆堂陳侯館予羅
酒漿拊床高詠逸興發不覺燈前大雨聲淋浪生平
曾臆向予盡使我肝膽爭開張重來物是人不復夜
夢見之晝微茫誰期此會乃死別剗血不滅吳雲蒼
攬衣起行步落月梅影滿庭空斷腸

信陵公子行與西溪同遊

春風獵獵吹輕裘聯鑣來作夷門遊令人遠憶魏公
子徑上吹臺臺上頭却秦存趙震九土誰意抱閔老
吏能此惟惺之良籌飢腸自古出奇策功成何害屠
沽流高皇布衣重公賢大梁城邊幾遲留一朝龍驤

開漢業舉功不復詢來由豈非慕蘭承餘休嘗讀太
史公今日把酒酌墓周當時朱門滿歌舞此日野草
荒山丘醉歌信陵行碧雲日暮寫我憂英雄割據雖
已矣高義凜凜橫清秋追攀逸駕那復得落日倚劍
看神州倚劍一作倚

題子猷迴舟圖

勾吳四時無正天盛寒之月猶春妍朝來一雪天地
白田父適喜爭犂顛宜其佳客逸思發乘興逕上山
陰舡煩襟囂慮一洗為瀟然江東名流說戴逵高談
禮法啟春雷子猷恐是虛華士竟掉空舟夜半回

山陽早發

踈星綴空殘月炯我行早發山陽境太行九月未黃

落一片秋光蕩林影愛山竟作三日留心下快活還
自省江山登覽能幾度素髮飄蕭已垂領愧無明略
濟清時性蹇才堪卧雲嶺長疑造物苦倒顛馬使守
閭車挂鼎十年欲作百崑游此度徑未猶事梗勒迴
俗駕似有意未許崑畊遂幽屏醉臺劍沼兩寂寞寔夢
寐賞心終耿，馬頭回首望山門白雲抹盡青山頂

雄狐行按部唐縣為小縣尉作

黃蒿古城狐晝行窟宅深固通精靈群狸闖者潛助
勢跳煙肅月妖腰輕社翁不神名則在將假其柄先
憑陵西隣有田奪已厭東家有羊頤指烹乘機侵刻
恣所欲草棘蔽翳無由鷹老羆惑媚過不耽飢鳥察
豕寒無聲我雖老鷲爪距禿一擊欲示終身懲遽然

脫去成漏網固厚其毒羣心驚眼中雉兔盡何益使
我怫鬱難爲情歛翮坐覺秋風生

月老招飲

禪師慰我從事勞臨臯置酒來相邀西軒雖小面流
水柳塘風物春飄瀟舫船一棹入法海照眼孤月翻
雲濤旣逢方外對佳景不飲亦復心陶陶况師有酒
藏已久快吸儘足供鯨鼈張侯引吭歌未闕嘉南抗
首賡其騷杜卿尚子噪於側冠佩倒落軒須毛僧云
劉君更開爽惜不同醉持霜螯連揮大白不知數醉
眼四顧天爲高出門乘馬復班如壘酌已罄猶飄操
一聲隣笛起落日追憶往昔懷英髦陵川已矣九帥
死此樂無復爭禪逃眼中文武驚墜地悲風爲我從

空號予雖老驥志有在為國涕下沾緋袍陌頭柳色
春向晚南塘碧水深幾箇簡書有程促又去悠悠離
思懸干旄醒來信筆紀其事雅集難再誇吾曹阿師
深藏莫輕示政恐見哂螟蛉豪

望黃金臺歌寄贈劉夢麟

君不見孔子修春秋二百四十有二年燕人軟血纔
一見下逮戰國尤茫然維南聲教耻不與苦羨齊魯
多英賢黃金不惜築此臺當時何限郭隗材政緣市
駿售其骨雲烟轉盼龍媒來古稱得士國無小甘棠
世業如天開悲風瀟瀟易水暮往事不復令人哀昭
王之名傳永世黃金高臺安在哉

越雞行贈柔明憲使

君家素雞何異常來自越裳天一方又聞越溪之女
天下白臨水照影長相將久之氣感與俱化不覺粲
粲爭輝光兩足不盈握軟玉紅鱗芳孤唱有餘韻滿
喙鏘風簧舟砂暈頰絳冠小雪氍毹皆銀絲長雅宜
宮閣催曉箭欄干五夜凝秋霜主人前年列朝行風
雲劍珮爭翱翔歸來故家對此物夜夜夢到雞人傍
呼僮愛養無遠出飲啄長使居中唐深沉庭院縈回
廊離離花影翻春陽今春哺雛九幾輩晴雪亂點筠
籠香我從公子偶見索苦要鄙語爲相償初心玩物
物反玩戲吐綵綬信鳴吭他日雛孫求執贄不愁無
物餉韃郎

春溪小獵行

經略史公子明春溪小獵九公子有詩
以紀其樂索予同作至元庚辰三月三
日五夜燈下走筆賦此

春風兩岸春草碧漫漫溪流野鳥集花邊高塚卧麒麟
拜掃歸來見豪習一聲盡鼓警鳥飛霜鶻翻空看
橫擊雜披五色墮馬前血灑平蕪驚半濕野橋淡淡
夕陽低回風颭颭溪神泣不愁歸具衆賓須紅燭金
盤快鮮食將軍往歲東西征苦竹崖傾江島赤高勳
烈烈在雲臺婉戀龍姿見平昔平生得意在戰酣州
郡徒勞非我職明時政有逐禽樂醉聽清商還自適
鼻端出火耳生風夢裏弦聲聞霹靂君不見姚崇奉
詔趨新豐徑入長圍吐竒策呼鷹縱犬少年事大拜

曾從指蹤得君侯逸興浩無邊老作獵師三萬日帕
車過市奄新婦此事終爲景宗叱自憐白髮兩眼昏
矻矻窮年大玄筆

君王有夢涓濱畋苦恨非熊深自惜

野兕行

東山何高與雲齊松柏蒼蔚深巖樓龍潛虎伏變叵
測野兕何者依鸛巖暮學豨怒嗥朝循巖所蹊睥睨
弱者肉獵食長林麋內助陰血威外增兇艷平厖然
非不偉推魯初何知時時具屨餘啖巖假其威復從
群獠弄舉措甘傾危同類忌投鼠將爲真得二獸之
幾微浸淫犯行路跂扈恣所爲窺切乘物便大笑狸
怯狐多疑孤鷄憚弗擊林鳥噪而飛獵師厚其毒使

之自猖披一朝果投穽慘悴兩耳垂掉尾乞衆怜趨
蹌曾不如狐狸吁嗟野兕兮一懲不省為福基惴惴
且免行人悲

哀老殷辭

至元十七年三月二十日南詔進象過
安肅州軍戶老殷為象鼻束而死余適
覩其事乃作此辭

哀老殷平時皞皞為王民荷戈幸不死鋒鏑胡為此
獸戕其身衰老殷賤且貧有兒十歲纔解語有婦出
戶無完裙髮膚一旦委巨齒身後名在征南軍朝來
棺歛哭過市慘慘悲動梁臺人我聞白傳引馴象為
君諷諫何忠勤禽玆

貴不畜此雖至馴安用云

偉哉樂天古良臣

憫雨行

至元十七年夏四月廿四日自東鹿縣
入深澤午憇西河鄉錄父老語車中足
成此詩時所在祈雨

旱蟲食桑桑葉無穀不出壠麥欲枯人間四月號清
潤物色慘悴幾焚如車前田峻向予說半歲無雨魯
霑濡春蚕滿箔奔欲盡鋤戶趁熟多空廬社翁致禱
略不神眈眈一雨何時蘇嘗聞古人遇災懼性幣徧
走山川雩外修政務內自責念及女謁并包苴昨朝
冠蓋稱勸使田務督責須勤劬農非耕稼何所事勸
至無勸將何趨一和繆監良有謂螭蜥滿盎真無辜

我初聞言顏已厚食不下咽心爲瘡憑軾歸時長嘆
息欲對畸人意先屈因思漢相問行將變和恐是三
公職近年氣運例險食忍待須臾莫倉猝驅車疾去
指前途落日蒼茫下喬木


秋澗先生大全文集卷第八

秋澗先生大全文集卷第九

七言古詩

潯沱流澌行

馮征西傳云世祖自薊馳至饒陽蕪蕪
亭南渡潯沱入信都王將軍霸稱冰堅
可渡處今鼓人指縣東北龍華鄉故河
道曰全渡者即其處也且以饒陽取直
趣異其經鼓縣東界無疑但河自收國
庚午徙縣南行流問諸父老云今七十
有一年矣春秋鼓聚在令縣西五里廢
城尚在今曰下曲陽者是也至元庚辰
夏余按部是州士子張春卿者請余紀



其事因爲賦此

王郎何人著拓黃欲與赤伏爭翱翔漢炎中斷天復
燬肘後頑石胡爲光蕭王揮戈指幽薊戰血滿野風
塵蒼莽兵返得市人喙當時南馳亦蒼皇爲鞬城東
溥水長北風烈烈天雨霜前驅候騎兩失色河雖流
斷無可舫菟肩麥飯未下咽大冰橫合堅於梁古稱
王者阨不死淮陵一言殆天使赤龍已渡凌四開白
魚躍舟未逾此壇亭王氣如水清妖菩邨鄴死灰耳
彼蒼有意開真主固令若輩先驅處君看隴蜀最健
者一旦等蛙終漢虜王郎區區安足數蒼茫此日龍
華渡漠漠野煙生綠樹留在長河閱世人萬古朝宗
浩東鷺

布穀辭

按部饒陽行次劉楚馬上聞布穀偶得

此辭

寒涼朝雨濕耕瓏離離引纜直一聲布穀動前
耒相望竟朝夕良苗芟芟入我鋤結舌深潛綠
陰密田家衣食仰堪興一勤之外初無餘嗚呼禽鳥
司農務勸課之吏當何如

惡鴟行

有鳥不世用其名曰鴟鴞前林崖窟黑飛鳴假狐妖
啄食公私間遼野為蕭條嬉飽摩高空遠觀聳盤鴟
不憂穴破老妖死惡聲向人恣喧颺正為腐鼠嚇有
鬚無廼療病鶻困孤擊霜秋此其朝我病非苦饑我

困非爲調跼跼兩翅坐使窺雲霄老拳固有利不利搏逐之志常超遙倘不與之護返爲物所憐主人一呼良未報不緣自獵矜風標會當攫大惡併驅若類直出六合分鸞鳥錦鞬脫落青絲條

鴻鴈歌爲馬仲溫求婦賦

膠船幸脫長河津朔風慘慘吹兵塵天摧地圯井峪易骨肉離散如驚麋吾宗積德僅不死有淚空洒天街雲歟傳伯姊落斤漳女固有行遠第昆怙恃旣失寧復得得見女嬃如見親最虞身在墮羈縶彼此契闊尤酸辛累糧物色不憚遠西走懷洛東羸秦眼穿足繭幾萬里歲月荏苒三十春媧來古鄆天假便鴻鴈遽接秋風群相看喜極淚如雨恍若夢裏招離魂

軒軒喜氣溢須勾此事希有爭謹聞金鸞誥書五花
文紫藤肩輿繡羅茵馬君初非羨此樂一念有在明
天倫君不見守真祿養殆常事慎矜母奉宜相隣高
平王氏觀津馬兩族丕顯全親恩更因識姊表宗系
衰俗乃爾逢斯人爲君濡毫紀孝愛要使竹帛流清
芬

健兒歌贈李裕卿

南來見君喜殊常不爲秩滿身精強掌中擎出一珠
新大覺門戶生輝光此生抱弄萬事足晚景雖迫心
無遑頭圓骨緊眉目爽已解顧語呼爺娘阿宜自是
樊川秀剝備詩書滿百箱

贈滑州龍教授取新

蜀山相繆鬱蒼蒼龍君來自西南方馳聲場屋少年
事筆底秀色翻巴湘滑臺一落三十載冉冉青鬢今
秋霜勅書在手無所得坐老茆屋青衿庠榻來聞君
擅術數萬有飛跳天星光方圖據說曠蘊奧解我中
熱心遑遑又聞天人本一致物欲將至先開祥紫垣
昨夜動光彩進賢奕奕三台芒書生薄命何足道此
去蒼生得小康

馬天章畫廬山清曉圖

平生愛讀廬山高不識廬山何面目眼中忽墮此山
真萬疊蒼煙彭蠡曲江南地卑苦炎蒸暖翠濃嵐氣
多鬱馬卿幼作清曉圖特爲千峰濯秋骨恍疑坐我
瀑流下淨盡煩襟貯清淑何當杖履東林游一樽共

吸江山醪

放猿詞

南為提刑副使程介
作有齊獍俯仰

霜林萬葉翻朝紅
老狙夢到秋巖重
幾年胥靡辨兒
劇物失本性
心為忡主人
誰似俯仰翁
放之遠野將
何從封龍雲深洞
穴暖東山之西
西山東衝煙嘯月
恣汝嬉曉驚無復
山人扉歸時物情
喜兩適豈為尔
心知不知

田家謠

至元九年
作

君不見訖干山頭雀
翔集止其所
正緣生處樂
凍死不飛去
人生重鄉情
疇非戀吾土
丘壠蓋世守
耕鑿自父祖
一旦委之去
倉皇事羈旅
豈不知朝辭弊廬
空暮宿何人
鳩身負逋逃
名比訣心良
苦我本耘田

客挨排爲主戶歲無儋石儲日有箕歛聚刻肌醫却
眼前瘡肉至無剜瘡愈腐支持非一朝窘至空捶楚
東隣匠色日優游西里征家厭温飶平時皞皞等王
民一苦一甘遽如許兩淮悠悠田四開差徭不及無
天災比之老雅轉溝壑一飽而死猶春臺水深林茂
魚鳥樂此雖古語爲時哀可堪大府督州縣親臨之
官胡爲哉我初聞言爲嘆息天網恢恢疎不失只今
六合混一家此雖遠逝何所適但思逋負洒餘民似
此披耽轉瘦極

素馨辭 并序

五代漢劉隱女曰素馨死其墓生花甚
香因以女名目之後人削降香作薄株

以此花蒸之及藝比本品極清遠無濃
重勃鬱之氣顏公仲復謂余試之誠然
作是辭以紀其異

紫擅為屑世所珍降香變體吾未聞漢宮有女號素
君歿而墓花香若薰降擅氣味多濃鬱蒸以素馨清
且淑顏公袖出赤龍鱗入手如游衆香國夜深一柱
雲滿室素馨之魂降鶴骨君不見西施苧蘿山下子
膏沐深宮轉清美一朝吳亡隨范蠡隣女效顰終莫
擬素馨得名從此始

宣和寶墨歌

贈顏提點仲復

宣和殿深春晝長老徽宸翰昭回光黑卿入奏少許
可追逐五李參三張猶卑古法出新意萬笏細搗和

龍香宮鴉借色翻朝日三十六宮香霧濕鳳飛龍舞
九天來雙影盤盤落玄壁流傳人間今幾春顏公得
之知所珍有時一勺試曹溪翠研靈霽看玄雲錦囊
舉世爲寶玩阿知尤物反玩人以茲過客目有屬重
似連壁輕埃塵雁肩書客秋澗子老不道進技乃伸
右軍筆端有陣法需此甲者方通神作詩一笑師應
聞

寶鼎歌贈開元僧法恒

僧回來自勾吳天袖携寶鼎心欣然遠遊萬里無長
物愛此古色暈碧玉有煙土華千年不敢啣夾底錚
錚堅比鐵雲雷繞腹走神光兩耳孤撐伸蠖屈我
初驚見心魂動老眼增明喜生頰憶在玉堂觀博古

此鼎依稀冠周譜摩挲龍款四十九王自成周徙居
楚細看云是季妘彝享錫臣麥無乃祖君不見殷盤
夏鼎令何有此物區區歷年久供佛淋頭夜壑深一
旦胡爲落吾手斯文三代周爲郁孔意姬情子素守
嗜心旣至開有先夜半燈前負之走僧恒拊掌喜有
歸却恐獅王怒如吼

義俠行弁解題

予爲王著作劍歌行繼更曰義俠或詢
其所以因爲之解曰彼惡貫盈禍及天
下大臣當言天吏得以顯戮而著處心
積慮一旦以計殺之快則快矣終非正
理夫以匹夫之微竊殺生之柄豈非暴

豪邪不謂之俠可乎然大姦大惡凡民
罔不懲又以春秋法論亂巨賊子人人
得以誅之不以義與之可乎又且以游
俠言古今若是者不數人如讓之上報
已私軻之廟軀無成較以此舉出于尋
常萬萬也凡人臨小利害尚且顧父母
念妻子慮一發不當且致後患著之心
孰爲不及此哉然所以略不顧籍者正
以義激於衷而奮捐一身爲輕爲天下
除害爲重足見天之降衷仁人義士有
不得自私而已者此著之心也何以明
之事既露著不去自縛詣司敗以至臨

命氣不少挫而視死如歸誠殺身成名
季路仇牧死而不悔者也故以劍歌易
而爲義俠云著字子明益都人少沉毅
有膽氣輕財重義不屑小節嘗爲吏不
樂去而從軍後與妖僧高北行假千夫
長歸有此舉死年二十九時至元十九
年壬午歲三月十七日丁丑夜也

君不見悲風瀟瀟易水寒荆軻西去不復還狂圖祗
與螿蛛靡至今恨骨埋秦關又不見豫讓義所激漆
身吞炭人不識劊軀止酬一已恩三荆襄衣竟何益
至今冠古無與儔堂堂義烈王青州午年辰月丁丑
夜漢元策祕通神謀春坊代作魯兩觀卯梟已禠魯

夷猶袖中金鉞斬禹劔談笑馘取姦臣頭九重

天子為動色萬命拔出顛崖幽陂陀燕血濟時兩一

洗六合妖氛收丈夫百年等一死死得其所鳴毛韜

我知清誠取不滅白虹貫日霜橫秋斬頭不作子胥

怒地下當與龍逢遊長歌落筆增慨慷覺我髮豎寒

颼颼燈前山鬼忽悲讌鐵面御史君其羞是時被南臺侍御史故云臺

贈僧芝庵

我吟越雞行君在西溪席軒然一笑喜相逢秋水為

神犀挿骨西溪提筆顧余言渠乃芝庵名甚藉下階

揚袂遽別去三載不聞音與迹竭來扣門忽相過促

膝高談論平昔升堂幾作獅子吼雨花散空衣不濕

近便野水洗心法塔廟龍宮如避敵南游梁園東入

魯所在英豪多舊識公材吏用衆所稱風土河東見
雄碩皇皇仁義昌黎公當時救世心何亟浮屠往還
非一輩例欲加冠嗟莫及芝庵洒落澄觀流我匪潮
陽徒感激歷山風煙春事深七十二泉俱可吟一庵
靜卧挂飛錫布地不羨千黃金只緣萬象森羅妙到
處行窩是賞音

題右相文獻公畫鹿圖

明昌昇平兵四偃帝樂餘閑見丕顯時從靈囿嘉
賓復引詞臣事秋猶風流右相東丹孫不爲丹青侍
游輦睭烏德業魏文貞下遂物宜隨氈毳泰和行宮
漢五柝柵葉秋山如繡錯鹿鳴不盡君臣歡色從歸
來寫慶角群遊知擇美蔭遊雅馴似應駟虞作食莘

呼友見天全筆底龍騰驚濯濯蒼然角尾千金姿我

扶老眼三見之至元甲寅年觀王氏所藏公書卧鹿

二十一年甲申三月十四日於曾就中雪毛毳何多出恐是

當年獻瑞詩

桑災嘆

穉桑發暮春綠葉光旒旒田家歲計固不常農婦相

桑掃蠶蟻黑霜一夜從天來萬樹焦枯遭燎燬令春

繼以海多風剪碎枝條生意靡天孫仰訴錦機空寓

氏倚壇如喪妣蚕生時序三月尾過晚終非應時美

只緣闕飼勒遲生徃徃中乾空滿紙山東自古絲纈

窟大收之年有不熟一婦不蠶天下寒况復例災過

慘酷緼袍雖弊歲可卒所嗟盛陽月陰凝返尔肅府

州文移速於火稍緩申期慮難復不知和氣誰所傷
田野疲忙先被毒部家科勘動正月中省限催嫌不
促老農拊樹嘆不已頻年來災免絲徵楮幣人言此
是前省過但恐已免復徵又似去年秋稅例

入奏行羨

聖政而重民急也

贈一作免 崔中 題

君不見燕南饑民行且泣膏澤屯來三百日蚕沙啗
盡木皮空剝末草根充糗食追胥星火縣帖嚴官不
汝憐需稅石人生鄉土孰不戀一殍迫臨那得惜扶
羸載瘠總南浦鵲面鳥形猶努力比之坐斃不相保
趁熟庶幾延旦夕刑司府解兩虛文道路無言空嘆
息吾

皇德並唐虞聖軫慮斯民期日靖傳聞一介或可相
不問草茅分政柄因思治道責有歸未洽鴻熙臣下
病繞豐祿秩即患失又以材踈難仰稱躄而不去樂
無聲老鳳飢鳥同一證西臺入奏沃淵衷蹴踏群疑
開善政盡蠲秋賦出御女百色支供皆省併若稽黃
屋

帝堯心一語又安無不聽萬方歡喜聲一槩遠過漢
家寬大令三錢斗米說開元二稅戶除聞大定限田
固是平世法未免區區與民競况今江淮歲入數不
貲經畫有方財恐贖人和天地氣自舒一兩行隨明
詔應老癯扶杖願少留又賴
鴻恩極懸罄兩河千里夾青青頊賀有年

天子慶

是年三月廿七日燕迄南至
河南北皆大雨有三二尺處

紫藤花歌并序

癸未歲三月二十八日宋賓客乘澤車

過道宮訪余時庭中紫藤花盛爛若錦
摘道師蕭公邀宋與余坐藤陰下尋友
人張明之亦至酒數行開口笑察殊適
然也宋因出名紙屬予作字一春天氣
不佳此日頗清潤可愛既授毫覺幽香
馥郁時集筆端放手喜書初不計其工
拙也遂話及樂天夢元九故事予曰二
公雖神交如此恐未若今日之樂行也
若取紫桐詩例賦長句歌之以爲他年

林下一段奇事可乎宋曰吾子便可承
當遂率爾而作歌曰

竹宮瑣牕雲霧垂紫藤花發何歲蕤仙家駐景出異
供橫揜桃李無晶輝群蛟奮螯力猶困鱗鬣不耐凌
風吹天孫夜擲紫霞被蒲意下覆須春曦幽禽縮喙
不敢啄囚鎖恐泄蒼精機又如王愷紫絲障跨雄闥
後光陸離倒冠落佩衆賓醉臨風零亂千纓綫虬柯
扶踈散蒼翠季倫擊碎珊瑚枝青宮賓客今園綺杖
藜來扣仙人扉選攜紫艷翻半空造物乃尔爭新奇
君不見香山老居士夢與元九神交馳覺來清吟增
帳望紫桐花下空懷思何如吾儕時燕集對林話久
藤陰移興餘屬我掃茂素爛柯不着山間基刺簷入

戶要學騰蛟螭鳥歸花落香下來時集毫彩露人衣
一杯春露助香潤清氣貯滿詩人脾依依青鳥厨煙
起好命庖人辦新羹炷香供具禱群龍莫學癡滕蟠
未已燕南饑民饑欲死時普旱無雨二載矣

聽馬姬彈明妃引

踈簾映閣春晝晴篆煙一線浮雲紫主人娛賓出雅
樂疑是雪江一泓分得岷峨清當窻初調逸餘響大
絃琅然小者音冷冷衣冠四顧靜且好漸覺指頭淅
瀝風沙驚自云明妃出塞引當時去國難為情黃雲
馬上幾千里昭陽宮殿孤鴻冥琵琶恨絕環珮冷漢
月空照黃昏城千年謾向圖畫見一曲能寫離鸞聲
我非聲學固不解古道古琴誰復聽洋洋盈耳紛纂

等

讀舜廟碑

至元廿年二月七日同劉節使景融由
西園過舜祠入真陽庵觀唐貞元間顏
魯公子頽所書幽州節度使韋稔重修
舜祠碑書畫端莊殊有父風

劉君邀予閑散適行過西園感疇昔來遊長憶至元
初隱隱故牆猶竹色半陂春水浸遺臺歲與都人作
寒食綠波乾後燕無泥野粉飄香土筆碧相將步入
野人廬來訪貞元虞廟迹我欲遠叫蒼梧雲重華一
去寧復得殘碑不逐劫灰空扶持信有神明力道人
拱手說向予拂拭顏書三嘆息

聚星鳳池硯歌

宋賓客弘道出端研示予背有七眼題
曰星聚鳳池其狀皆作人目平豎蓋未
嘗見也先生喜翰墨又目疾新愈即得
此硯豈尤物有歸將爲文字之祥耶將
洞發神光增雙明於桑榆之境耶喜爲
作詩以歌之其詞曰

硯之同功甲與鋌試之敵場惟利堅其或返是奚用
焉嗚呼此硯從何傳墨華猶帶紅雲鮮景星會弁舌
有泉鳳池春漲光流淵松風瑟瑟聽磨研君看淚眼
真茫然斲手愛惜猶珠蠟江山秀發駭一世乃今碧
眼開癯仙先生神光還舊觀皎如明月澄秋烟潛心

雖澹開有兆不尔此物胡為前硯園喚起襄陽米走
虺驚蛇見醉顛

贈張道士

字懷王孟率自童子長春宮講師

大方之家本靜虛天地俯仰真遽廬鷄鵬氣化分小
大二者角勝相乘除天真所至自行火閤風蓬苑皆
焚如先生超超萬里鶴跼踏肯受樊籠拘潛心大易
中有得南華禦寇資譚餘未容飲啄遠雞鷺歷遍物
表須人徒紫微二兄老且健一念天頭存斯須今春
掛囊海子觀此身之外筆瓢無鶴鴿何嘗沙水寒心
迹自與間雲俱君不見三茆道士稱博洽當暑講說
方舒徐怪魁適從何處來怒罵似泄仙經樞張鍊師
宜何居談天有舌儘雄辨閱世雖泊寧忘軀神僊近

日足官府道心元與時情踈獲盈鄭圃適爲累慎勿
出口它人狙河南秋熟一萬里遁身丘壑真良圖少
室山玉華溪紫芝曄曄青松肥吾獨胡爲坐長飢約
君歸袖風披披

辛夷花歌

癸未四月十三
新樂道中作

樂城城南沙水潏在漢名爲新市里中山遊燕此離
宮亭沼當年百花底至今辛夷植縣圃我初來觀欣
細履碧桐爲身梅作葉好雨初晴更始美千年故苑
風土香草木含滋猶泥泥每逢臘盡花已苞滿眼故
家毛穎子宛然白貴插秦冠載事彤庭紛內史春風
芙蓉散木末紅影亭亭失秋水騷人取爾爲摺梁託
物豈獨誇芬芳柔姿中有孤潔操首出庶物翻春陽

我因繞樹三嘆息喚起湘纍共一觴

至元癸未夏四月廿五日同獲鹿主簿蓋

義甫同遊封龍上觀宋人碑云昔趙駱元

服之又云遲老還童徐白所種

龍首峰高幾千尺暮雨濯山山更碧我遊上觀風日

清手弄寒泉看龜石幽人愛泉說向余藉此啣接從

自昔駱元真遇事微茫丹素曾傳不死方山林長往

世所有白日仙去誠荒唐祇有徐童花色異秋風開

處滿山香

題桃源圖後

至元癸未夏五月二十日經略史公邀

余樓居燕語仍袖桃源古畫二大軸荒

佳筆也公因詢茲事有無其意果云何
者明日賦此詩以呈

君侯示我桃源圖
綃素剝裂丹青渝
衣冠俎豆三代
古髣髴物色開
華胥當時傳記
羨樂土序說本
末何敷腴
半山歌詠似撫
實昌黎論列疑
其虛千年繪彩
見遺跡桃源之
境誠有無君不
見淵明千古士
心遠與世踈
羲皇而上每自
沉肯隨澤雉樊
籠拘絃歌歸
來朝市改故山
田園松菊蕪斜
川風景固足佳
未免結廬人境
車馬時喧呼復
讎宣力兩不可
天運乃爾將無
如避觀高舉深
意在安得超出
物表冥鴻俱因
緣開此武陵說
託彼奧隱稱樵
漁不然果有繼
問津雲煙出沒
何須臾又不見
山林不外天壤
間迴與世

隔皆仙居桃花流水窈然在放浪而耶斯人徒放浪
而耶斯人徒

贈九萬戶

昂藏野鶴誰能馴澤雉雖美終無神一篇秋水江海
闊兩袖醉墨雲煙春猿翁學劍事跡秘蘭舌解紛詞
調新萬事人間歸一喙雙旌燭影見來頻用淮西將
劉河事所

嗟嗟住河濱

嗟嗟住河濱瀕河之患愁殺人虎狼雖暴猶可禦秋
水時至其容奔農民家近野河居活計趁種河之淤
比年旱曠我頗獲餬口之外供王租昨時一雨川澤
通黑浪夜捲田廬空疇人何止賦分薄有家舉葬魚

腹中嗚呼山虞虎害水即毀捐瘠斯民老則已

溇池秋漲行

七月十日
大酒家度

君不聞蒙莊說秋水兩涘猶見馬與牛今年溇池水
大漲墟落澌澌生魚頭雲蒸老雨注萬壑上不少止
下可憂馮夷不受上所制黑浪怒蹴壑壘遊望洋東
視誇海若似憤蛙北跳躍井坎湫金行氣肅坎宜縮
狂瀾不逐西風收東行我濟小范口水勢森湊方淫
流秋未盡為魚鱉餌廬舍漂蕩迷田疇二年旱暵例
乏食彼稷幸得逢今秋嗟哉一飯到口角淪沒無望
將誰亢河防久廢不復古惟預捷治為良籌翻堤決
岸勢不已雖有人力誰能謀近年遇災幸無事其或
成患徒嗟詎兩河農民被災者逃避無所棲林立夜

深投宿聞聚哭悲聲暗與蟲聲啾

謝安從事見贈放生池碑本

我嗜顏書觀欲遍獨有放生碑未見昨過高齋偶得
之喜氣津津畔吾面安卿捧持即見遺物遇真賞
何爲擬渠所愛適余願風義矯矯非君誰君不見集
古書成叙說長玩而欲老希歐陽最憐茗溪邊月
一夜分光照客牀

紀夢

癸未夏六月十一日夜夢劉使君相過
腰間佩二寶劔解以示予又袖出書一
卷曰此君先世筆也色黯慘字類離
堆用朱鈎填若新髹漆者與之語甚洽

劉貞月河間劉清卿既而為風雨驚覺
間夜漏下三十刻矣

劉使君跨蒼麟翩然而來空際雲腰間寶玦佩兩劍
青蛇躍出光粼粼誰為味平昔款語情何親復為袖
出先世書一卷帛色黯慘皆奇文大如離堆幾百字
鉤絡朱墨殆似髹漆新殘夢忽隨風雨斷破窓驚聽
怒濤奔

平原行

正元甲申
月作

羯怒騁兵傷濫恩天寶之禍將自焚三郎宮中略不
省履霜有戒知何人平原寒寒真王臣沈慮義識幽
營氛泛舟從酒運奇略一日樓櫓驚雲屯鐵輦南來
從獵火河朔風靡煙塵昏孤城平地獨與抗勇鼓義

旅爭鯨吞西開土門倚蛇陣南激睢守遮進垠滔天
腥穢思一掃誓與此羯不兩存書生信能立大事竟
掣賊肘西南奔事雖曠代有足感魯公之義世所尊
我來弔古增未慨蒼煙草樹連荒園欲尋遺廟不復
見寶刻留在東方氓栖蓋亭前野日曛平原城下酹
忠魂朝廷何嘗容直道志士蹈難甘捐身此心自視
無愧已一時知否非所論嗟余何者敢跋慕屢書不
厭臬鵠分當年紀載兩鬼域九泉奄奄隨埃塵先生
一死固不朽雅操何翅同松筠故應烈日秋霜氣千
古堂堂凜若神

常山太守歌

天寶之政植禍根明皇宴安如不聞海棠紅嬌荔支

綠玉笛吹滿長安春
潼關之車空磷磷
曲江水邊多麗人
羯奴東歸叛意決
先以羽獵驅其群
朔風萬馬捲遼碣
殺氣已慘淖泥
垠常山太守臣
顏昕聲勢東合
平原軍憤提一旅
徇國難捨誠心手
遮橫奔桓桓表
侯復何壯
旁翼勁翮張其鱗
長蛇中擊斷首尾
後掣其肘前行屯
西開土門引義幟
再廓宇宙清埃氛
天令完節畀二子
漁陽游騎徒紛紛
天津一死有餘烈
夢入帝寢何其神
只應千古雷霆氣
長與先生洒怒噴

負龍行至元九年四月邢臺作命植於易等處

炎風吹沙官路赫
穰穰羣奔密如織
筠籠脩檐不留行
一寸萋藤土膏溼
萋藤來自海南陬
厥貢不入禹

所收一朝進御列珍品何異草澤加公侯昌黎不須
感二鳥物有時遇非人謀志士何苦身岩幽

秋澗先生大全文集卷第九

開化圖書

秋澗先生大全文集卷第十

七言古詩

華不注歌

齊州山水天下無，樂源之峻華峰孤。秦鞭有力驅不
去，天遣一柱標齊墟。初疑太素女媧氏補天斷手茲
遺餘，又如翠鳳翥郊藪。來應世瑞開昌圖，南山連絡
雖可愛，未免阿拊相承趨。孤撐直上夾右碣，猛視又
似天門驅慶封。齊豹兩元惡，哆嚙猶露雄牙須。不然
齊太史，寃血凝碧老不渝。化成直筆插天外，堂堂使
表春秋誅乾坤。乃有此雄跨未許鵲，藥爭頭顱江山
勝槩儘軒豁。遠客吟眺增躊躇，李白上天不可呼。雲
煙變化何須史，後人摹寫覩天巧。百匝空遶青芙蓉，

文章李杜光燄在有詩無詩將何如我思齊晉迭雄
長山靈枉被兵埃汚桓公九合猶霸事三周其下真
誇諛會須扶策凌絕項望入蒼梧叫帝虞

釣突泉歌

沈流峻發王屋顛世以獨達神其源不知悍駛勢所
激玉虹那待馮夷鞭狀流渴馬穿歷背海眼洞徹開
龍淵嘗聞棄糠黑灣復此出明見下與地脉相勾連
雲魚吹浪雪濤湧鱗屋擊鼓春雷翻我初來觀冬十
月陰火下煮湯池煙洪濛元氣東山作蒼江屈注倒
景懸少陵撫掌嘆竒絕未若王塔突起掀睛爛天機
幻出此怪供欲洒飛雨清塵寰當年小白會水上春
秋見書名不刊吐哉齊晉兩蠻觸千古事徃風雲閑

漢家包海歸一統霸氣何有諸侯壇清冷無復軟血
汗鬪沸不洗陳恒姦我讀太史書風聲氣習隨山川
齊人闊達多匿智政恐功利爲當然安得此泉盡變
作醇酎一醉浩浩還吾天

東坡海南醉歸圖

元祐諸人等圭璧司馬之相國柱石仆碑錮黨無不
至棄若泥沙初不惜當時何有雪堂翁一斥南荒無
復比那知茲遊竒絕神所相海水天容清一色鐵杖
橫秋瘴霧空新詩落筆魚龍泣楓香樹高溪雨濛醉
挽黃衫兩頰紅多隨父老燕同社或喜契順來相從
一朝竟作遷客沒造物未見哀龍鍾豈其中州淑氣
到尔恐終絕故令着此眉山公故令着此眉山公

河冰篇

庚申前三年予以事赴汴次中灤值雪者三日時大河走凌因卧舡蓬間聽河冰拉船而下其聲瑟瑟可愛嘗欲一詩執筆輒罷今日率尔得此殊適然也時至元廿二年秋七月廿一日也

大河疑寒冰走片岸深爭逐盤渦轉沙頭卧編凍欲僵細戛舡舫聲自顫幽人蓬底聞河清錚錚劍佩相磨鳴鳴如竹軒蕭洒帟半罇醉枕夢破風冷冷錢塘水樂世所愛求音寂寞將誰聽安得湘妃鼓瑤瑟波間細寫宮商聲朝來賦就河冰篇胷中餘韻猶條然浮聲切嚮何足異記我深津待渡年

短歌行

政彦村作

君自分携今一紀疇昔四更來夢裏金鞍相值瘦陶
南君亦遠回還故里酡顏喜意見眉間欲叙寒暄先
稱倚也相隨行過縣廨西指說民居昔何美邀臨
甲第予力辭亦為前征趣行李夢中不悟死生分別
后寄聲無棄鄙探囊傾下糶救香送余不到河之梁
囑余南去路亦遠持此贈君為裹糧怆然形開無所
見落月照屋空微茫蕭蕭春草宮牆綠暮雨梨花寒
食曲樽前浩唱意何長轉首先輸光景促我思夢境
再目開君侯施施胡為來賦詩非欲徵後事今世死
別真堪哀因見故人雖遠猶在當時懷

荒鷄行乙酉九月四日

苑簷月落霜稜稜夜半起聽荒雞聲不知首唱自何
處喔喔滿城爭亂鳴爾緣氣類司早晏乃今失職能
無驚淒風吹空星斗黑漫漫長夜何時明萬事紛紜
每如此不煩劍舞蹴珉興

龍在田詩

我夢長橋秋水落俯瞰澄淵見蛟鰐絳綃百尺卧彩
虹足尾鱗蒼閃煙壑我因投石起幽潛不待雷轟隨
奮躍神光照野鷲在田驥首徐行軒鬣角野人奔看
若雲從洶洶呼聲遠寥廓余方闖視女墻間走欲攀
鱗不知却超危如坦略無難剡隨崑梯扣丹閣寶香
佛界幾龍龕萬拱千梁金碧錯恍然夢覺聽夜漏四
鼓將闌五更作因車夢蓋此何因無乃吉徵先我覺

龍爲乾陽主善幻既見禾田德施博乘高臨下近清
光雖險當前無所過行穿崑閣得金界動止其間爲
善樂援毫億度兼記時仲冬辛卯之夕歲在噩

讀五代史記作古樂府五首

揚柳枝辭

唐昭宗天復三年梁王溫辭歸鎮留宴
壽春殿又餞於延喜樓上臨軒泣別因
賜揚柳枝辭今亡乃爲補作

揚柳枝風吹何裊裊暖煙如織綠絲柔延喜樓前春
色好臨軒奏曲送行頻梁王重有回天勳一忠之外
何復云安得高祖太宗之業如柳新

檀來歌

汎樓舡下淮浦百萬紕貅歌且舞不殺降不掠虜吾
君吊伐真湯武爾檀來不欺汝皞皞生風樂吾土

椒蘭怨

昭皇迫東遷望絕忠臣援堂堂鴈門兵秣足速禍變
帝酣長星杯醉魄迷椒殿神龍失水机上肉惡氣啄
門夜漏半龍興赤霧天爲紅一竈三百皆皇宗唐家
大業至此盡自古亡國未有若此之哀恫梁王歸罪
將誰給奴輩雖誅天有在金祥殿空殺氣高賤珪白
刃專相待

汜水行

王季權在兵逆順係財賄同光當宁能幾朝牝雞司
晨傾內外添都買宴物山積盡入掖庭充內費君王

政荒優宦狎將相無辜恣誅殺蜀資百萬賊所徼縱
有其能供近渴一夫夜呼汜水東絳霄樓頭兵反攻
雍陵竟墮所好死英武杳逐仙音空先皇有識如相
問三矢雖還未克終

劉山人歌

劉山人黃鬚模糊衣袖樓簪囊藥笈手自携親詣宮
門來省女將軍物色不少差其奈后方爭寵媿被駸
吾父已兵死何物田翁來辱污椒房恩遇望遂空破
帽東歸心痛楚長吁行念樂天歌不重生男重生女
此事到吾為妄語嗚呼五季皆天民人倫濁亂踈反
親當時垂韜同一氣天理何有劉山人劉山人莫悲
泣伎方終老固賤貧却免誅夷為外戚

後飼牛辭

春半我田耕未辦兒輩休稱牛力緩自冬皂養日已
久當用猶羸功有間吾今勗汝汝則聞朝昏飲食無
過勤兩家計口三百指一飽入手皆渠身三公投筆
尚歸畝况我本是蓬蒿人微茫煙雨孤村底思與天
隨作近隣

春寒曲

家居對病妻書空咄怪事人生百歲能幾時風雨憂
愁還半是一春寒克中傷人紅朋碧友潛酸辛今朝
晴暖烏鵲喜寒食數日無多春脫巾自漉牀頭釀待
與東皇共一橫

驅狼行

隔溪衆號呼驚視驅兩狼竄伏草莽間毛色隨蒼茫
此物胡爲來顧睨何揚揚我觀五行書據理論灾祥
吏貪政暴狼齧人此說聞自蔡邕與京房述傳共縣
東殺人食路傍獸威孰擅恐自爾竿不擲刃良弓藏
又云村墟去山迹群行獵食爲尋常豺狼當路古所
畏野獸走壙何庸傷君不見漢家良吏龔與黃當年
異績何章章嘉禾朱草滿郊藪麒麟鳳鳥爭翱翔

寶鴨歌

天雨新晴秋氣肅

時秋霖晴零暗用賈誼
宋呂訪司馬季主事

秘書近住

城西曲入門坐定有餘清既領玄談出奇物翩然寶
鴨立玉洲儘著龍香貯脩腹麝煤融液須吏間藍田
春暖煙生玉引吭不惜吐氤氳要徹天心穿月窟漢

宮豈數博山高晉煖休談鵲尾秃劉著作勿輕出長
慮王孫金彈丸醉中疑似來相觸

漢宣帝幸池陽宮圖

李伯時筆

武皇雄吞老未已歲歲開邊兵四起嫖姚出塞屢策
勲武繫陵降終國恥騰凌蹂藉五十年饗功歸到會
孫宣萬方解辦盡內屬龍庭南北無烽煙池陽五柝
郊歌裏五日賜酺餘燕喜呼韓稽顙謁甘泉欲示雄
誇先就邨大陳還縱萬人觀豈獨珍奇紛錦綺歡呼
歸作北庭藩萬代稱觴甥舅禮君王燕犒不知勞鸞
旗直上中渭橋茂陵王氣如水清建章宮殿春雲高
從此臨軒舒化日一聲宮漏出花遙

出花遙一作等虞
宮漏一作清暉

入奏行送右丞史侯

十年不見汾陽面萬里朝

天來海甸神鋒照眼倚青冥黃色充庭明羽扇張燈
開宴見談噓慘澹風雲餘百戰嚮來作牧與開府總
道臨機能制變漢家六合頓宏綱民事正煩真空便
只緣報國忠義烟幾度恩綸回眷眷我識君侯禮數
寬德威無地不交驩此行入見想層奏大計不出兵
民安兵民安古人念此良為難因思先相台衡日退
食歸來事簡編

送雪堂南行

雪堂矯矯僧中英今年遠作餘杭行
謁來過衛首謁余特以贈言為寵榮
君不見韓潮陽昔交僧縱暢與
澄詠歌序別欲傾倒猗以文雅為
推稱不似阿師高

義烟要飛花兩到南溟

樂間老人歌

奴哥總管姓栢德名繼昌以小字行蓋
灞陵舊將軍也今閑居鄧下自號樂閑
老人聞予名甚喜詢所以襟抱有不期
同而同者千里求詩此意不可幸也因
賦是歌以贈庶幾酒酣耳熱後放聲而
歌之猶足以見故家餘習云

浮生擾擾駒過隙守虜抱囚真可惜晦明光景一月
間開口笑談能幾日一閑未老方是閑已老謀閑何
所及須信閑人是貴人束縛軒裳枯亡客况復筋骸
血氣衰聖有嘉言戒貪得樂間老人達此理自放閒

身樂山水君侯年甫五十踰解官歸卧南陽廬風雲
寤寐鞍馬事錦鞬脫落秋鷹孤飛揚跋扈竟何用此
身健在間爲娛大弨掛壁龍在匣追逐弋釣須鳧魚
有時逸氣蟠不盡猶擬去射南山菟君不見邵平東
陵時何若瓜田心自如後堂種竹前圃蔬月下自理
淵明鋤客來大笑猶有事茶鐺煮月糟立舖古人徃
徃以樂老此意殆與君相符我今天地亦佚老聞君
此懷良起予何當杖屨與君約江山佳處身岩居半
山喚起浮休仙窪尊一醉傾吾餘風流肯落六客後
吟嘯常依三賢圖醉中爲將桓侯鬚君其樂矣歌鳴
鳴

醉道士歌

秋九月二十四日子方曳杖出門有道
士野服揭冠倚立振下子邀坐階上
目視子者久之曰觀君風骨蓋李唐人
也心事好但蹤跡蹉跎多失事機可惜
可惜雖然得年八十餘數八八後當有
顯擢予言可切記也飲之酒醺然而去
時至元二十四年丁亥歲也因作歌以
紀其事辭曰

門前落葉秋風哀麻衣道士從何來
翛然倚立兩振下若有所諭心悠哉
我因植杖邀與坐拂拭熊羆堂之階
無言瞪目視余久徐謂風骨真文措
前生落度晚唐士心事最好無纖埃
所嗟蹤跡多後時勃率不

顧群兒哈雖然得儒
極廣八八而後聯星台呼兒
沽酒與之飲勸以數行浮大杯醺然徑去不少顧恍
若仙遇神為開當生所賦諒自知過望榮顯青黃笛
書稱五福壽為至得到八十真洪崖生平夢異復此
遇晚節無乃其行諧吾看浮世孰不死我已天篤培
其才濁醪食飯有餘幸過此以徃非予懷君不見通
都與大邑真仙徃返時為借蒼蒼雲路望不及為渠
更上凌風臺

雙峰歌

士達察判携手植檜小山見贈願博一
詩為信氏家傳其志殊可嘉也遂賦此
歌并以其山奉還蓋詩非山無以見狀

物之體山非詩無以表處靜之用抑又
在彼猶在此之義也

金絲堂前雙檜碧氣幹凌雲三百尺蒼精久墮劫灰
寒蟠抵輪困堅似石枝條已蔭百王芳膏潤猶含三
代澤土花漬啣又幾年爲像爲山豈多得君不見召
公甘棠武侯栢特以兩賢猶愛惜後人歌詠尚如此
况是東家手親植憶嘗遊魯得餘材入手摩挲三嘆
息信生爲予好奇觀携來比視吾家蟠泰山梁木萬
世仰何翅如到日觀秦觀雙峰間顧瞻巖巖儘足樂
譬彼物有大小聖學俱能全此雖體微道則具終日
儼侍參吾前古人尚行不尚說正可安靜如山然我
今木朽不可雕後來聳壑爭昂霄君家兒子玉雪比

向學說是神超邁還汝山聽我謠仰止茲木思惟喬
學該本末貴通徹無使磊磊落落徒有拔俗之高標

過宋義墓

予往年東走魏過楚上將軍宋義墓欲
作詩爲吊而未暇今日與諸生講讀至
義之本末前後諸儒略不見論說因賦
此篇以發前賢之所未發者

秦兵西來勢莫當群雄假義尊懷王我雖三戶秦可
滅彼姦可搏微者或莫傷將軍乘勢思一掃當時籌
策誠難量項家父子本強暴以謀制勝非渠長義維
去暴失之易一死竟墮貪如狼重瞳子何猖狂只知
帳中竒兵化青血不悟鉅鹿之戰開天亡風雲慘淡

蛇作龍安得即遇隆準翁使我目亂狐裘茸高陽酒
徒號狂客醉中兩眼何其瞳攀鱗掉舌終數語兩女
輟洗來趨風英雄有時利不利俛首何限甘長終楚
王店頭土一丘至今草棘荒煙愁我來吊古還一嘅
西風黃鳥聲啾啾

中秋吟

中統二年予客上都館于太醫使王宜
之家中秋夜伯祿宣慰携酒相過全會
者館主王文洎省郎宋庭秀近人來索
舊賦亂道今亡之矣因追作是詩以寄
二年中秋客灤陽灤江陸海天中央秋風吹空一萬
里誰復斫桂增清光平分秋氣無少陂但覺霜露非

尋常玉繩滅沒澹鳩鵲衆宿何有爭光芒煙霄幸附
應時翼佳節共下今霄堂鳳池鳴佩有餘暇白兔搗
藥秋正香故人携酒喜見過慰我又客同一觴謫仙
杯杓思浩浩芙蓉城闕天茫茫眼中賓主侯與宋胡
牀更對墻東王九迂初不羨時貴一醉逕入無何鄉
人生相逢貴適意浮世聚散真參商當時少陵客愛
國心遑遑夜深飲散卧不寐醉聽金鑰鏘倉琅夜如
何其夜未艾披衣顛倒尋封章只今潦倒百事廢感
嘆歲月徒悲傷喜來索詩叙往事盛集難再須揄揚
興未追作固狂斐念君父要會不忘鄭重西樓花上
月金波重約醉秋涼

花工王氏歌

城南劉郎携斗酒與客來叅秋澗叟當隅踖縮不敢
坐王姓珪名三十九平生有技真可入好箇春風接
花手木翁奪秀孕黃婆轉眼紅朋拙碧友劉郎秀春
趣已成往往豪家闕招誘王生本出方技家品味神
經無不有流芳轉入百花香豈止橐駝法堪取只今
家住團田西小橋流水遮高柳會邀一醉百花堂要
藉我詩傳不朽我自東歸今五年小園栽種期幽妍
城中糞壤雜瓦礫雖有美植何由蕃結根失所固可
惜異品奚獨冰霜纏君不見芳蘭種不生惡草剪不
去此事人間自今古門園子聽予語本根或撥非所
宜一接千金戒輕與

河圖篇答啁學官

河龍負圖自崑崙包羲畫出乾與坤聖昌拘幽演餘
蘊六十四卦相氤氲姬情孔思本傳註竹簡別出尊
皇墳經從東漢亂古制綴合文象為全文韓康輔嗣
轉教雜操以莊老何紛紜東萊探賾復古定太極既
判二氣終然分女媧撫掌為驚絕天地再位開玄根
易包萬象無不至若以一爻為一事其道反局而不伸
考亭專以筮為主豈非天道似遠人事親當時厄火
燎九地不爾亦墮秦坑屯君緘越本遠見贈老眼一
洗空花昏細披五贊得要妙餘作孰敢光爭新君不
見行逢市兔具此理桶氏有見為伊訴作詩寄謝君
應聞

風字尾斫歌示陳生

平生蓄研空累其名曰端猶可嗤世間萬有珉作
玉堅則墨槌軟則泥或濃或淡不成字終日與伍空
嗟咨東家瓦研百尺五其狀宛似維南箕松風小試
漲玄霧臨視黯靈羲之池朝來揮洒儘快意一筆掃
出千蛟螭東坡黼研不可見吐此朽壤爭神奇君不
見莫鄒神寶不適用補履曾不如囊錐黼研在漢藏南左家
參政任筆南半見之

雷將軍歌

名時舉京兆同州人

雷舉秦人家將種不學齊高賈餘勇温然醜接縫掖
流照眼容刀輝玉瑋朔風憶捲閑隴破西走巴渝為
勢擁宋人重漢不內任閩貴豪英制邊聳將軍守成
分劍閑劍門天險石龍從當時一軍號安靖玠去群
信闔呼洵命介字義夫官至侍郎在龍旂西狩萬壁

空石角此心隨北拱天顏喜動詔賜金一日康侯三
接寵盤盤大獲金湯牢雲間猛將鬚髯豪片言因壘
引降出風義不戒曹王臯蜀山破碎凱歌裏六軍喜
溢秋天高破崗山頭望回旆小臣墮地空烏號秦弓
歸來血洗箭又許拜舞趨

新朝命妻賜第恩轉溼總得主曹浮網艘憶昨先聲
躡鼓鼙只今騎馬似雞栖朝來携酒過予飲細話往
昔非余悲事機翻覆古如此一椽儼舍甘調飢我方
讀詩至秦仲車鄰馬鐵生光輝迺知風聲氣習遠自
文武始歌頌不到秦家非

革故諛

一作後

南城翼翼足污穢既建神都風土美燕人重迂朽厥

載睿意作新思有泚一朝

詔從殊井疆九陌香生通戚里煬城密邇不剗去適
足囊蕞養狐虺城復池隍莫歎嗟一廢一興固常理
今年戊子冬十月天氣未寒無雨雪禁軍指顧舊築
空郊遂坦夷無壅隔寂寞千門草棘荒佗年空有銅
駝說我詩雖小亦
王風庶配商盤歌
帝哲

通漕引

漢家鼎定天西北萬乘千官必共億近年職貢仰江
淮海道轉輸多覆溺東阿距泉清泉縣二百八淪濟西
來與清合安流取直民力少省積水浮網總兩間自

昔河防爭橫議祗辦新芻不勝計宣防瓠子至今悲
以彼方茲功極細役徒三萬暮可畢一動雖勞終古
利累糧荷鍾去莫遲行看連播東過薊休說春潭得
寶歌長咲韋郎空侈麗從今粒米斗三錢狼籍
都城樂豐歲

珍珠菓詞

有菓有菓名珍珠厥苞葱翠二寸餘絕類王瓜未變
赤絀穰滋膩甘酸俱就中結核大於指狀似草麻色
微紫遠供來自廣南州臣子獻芹心爾耳然觀夏賦
皆邦用口腹所充須錫貢若論橘柚亦常材此物胡
為勞驛送

當熊詞

戊子冬十二月廿五日聽韓陳二生讀
通鑑綱目至中山馮太后事蹟壯其貞
節感而作當熊詞馮元帝健仔哀帝祖
母也

漢家九葉時清宴帝拱深宮樂游讌魚龍萬舞閱來
饜鬪毆雄觀臨虎圈老熊駭逸突筮出被髮攀楯來
御殿昭儀散走虎士驚盛氣前當無少變大駕臨軒
問物情歛容前對香雲顫妾聞獸猛得人止萬一不
虞身殉難日華翻動喜歸來香飄合殿春風轉君不
見東西兩漢五百載班馬微音儘堪羨元城投壘媛
當熊能以至柔馳至健大笑陳妃望幸心千金空買
長門怨

東征證

海微春涵物生廣芽孽中

大悖先王志忠獎馳驅鱗介

海波騰沸聚使殲怒鯨奔疆歸

渠魁谷靜川空骨如莽今年復作欲盡殪逸德

駭天吏孽餘走死黑龍東

詔勿窮追令自斃就中縱殺勢難分泉婦畊夫同

例天兵南伐六十年楚女吳兒供北婢欲知天道

覆心看取東人復為隸

下瀨舡

交趾漢嘉陵縣地戊子三月失利

家中之木同灰槁炎海波翻震天討彼交事大天理

常歲歲卑辭掉虛表舟師陸騎問罪來力審難支施

機巧彈丸所據五郡地瘴氣為地地利我來彼道

還則媿一弩千人不容避老無限作羈縻邦不以衣

裳介鱗易昔賢有戒是貪兵若論彼資才具翠南越

佗時安陽王治交趾有神人曰臯通造神弩一張其

機駝越軍萬人後作子始質于安陽王切其弩毀其

主帥一軍膽落陷泥湖二萬選鋒同日敗累糧載甲

力有餘正坐無人作吾氣軍聲稍振需所援春水旋

纜可弘濟古人堂上有奇兵安得營平與動非車

征士謹巳丑正月晦

東風連日沙塵昏兵威揜盡春氣濕漢家武備遍九

有南來探騎探何紛紛今年十抽一推去千里起

赴和林屯御河西岸殷牧野萬甲照水光粼粼觀容

有使親閱實不許代名須正身神牙獵獵見北靡精
銳全是嫖姚軍嫖姚出塞路幾千遠戰不過封狼山
征人莫憚行役苦廟謀素具車攻篇君不聞王師有
征古無敵何況彊弩之末曾縞其能穿念渠愛惜腰
間箭會聽長歌入漢關

天星行正月十七日

天星蓬蓬若爲柴彗掃長空徂巽位六龍推墮日車
翻萬火分崩碎於地老天變色赤禊如西北繼聞天
狗吠行人匍伏群雉驚凜凜甚於崩角畏君不見天
星懸象萬物精一物下亡一星墜春秋二百四十年
孛斗經天無此異不然大火示厥罰下標人間爲沴
氣月寅歲丑丁酉晨東方向明時又寅老翁百歲見

未省何況地上蟻蝨臣天雖高變雖大災反為祥果
何賴正有德修知儆戒

兩木冰

書冥冥雲族聚和氣滿

作雨

和變而凝冰著樹巧裁細剪千萬狀

霧木翁縮頸凍欲僵辨着乾坤開大素其詳

三朝古說大官為最懼曦輪過午始消釋膏

如雨泣少陽為臣冰即兵麟史書徵臣

者互長雄此事胡為兆今日

建春樓歌

頭春日長建春樓

與東

門香層軒高揭富觀臨春潭照映千帆檣吳商楚女
莫空過渠是京樣河馬西京張世間忘憂唯食飲越
羅蜀錦空千箱登臨人具醉飽去共城齊氏真非常
共城齊氏真非常

潛蛟行謝温將軍惠石

温郎少年姿潤秀好古探竒出予右扣門相訪得怪供
鬼刻神剗未嘗有我欣植杖三摩挲秋水潛蛟見蟠紐
何年囚鎖出禹穴不礙鬚牙驚水母毅然見贈初不惜澹
癖憐予象江守深藏夜壑空有戒當晝兒童負之走千金
求買何所得一旦携歸定非偶清泉湔袂庸玉汝屹立花
間冠吾囿蒼鱗照水勢若動口鼻哈呀欲鱣吼常疑尤
物即神物隱伏地中諒難久宣和族聚失所在却恐雷

靈下來取一春病酒日欲眠忽得此峰如至友娉婷翠
射喜欲舞復訝舞仙來勸酒君不見九成論樂一雙足
萬石不須誇柳柳人生意氣貴相傾走筆酬酒當瓊玖

重門行

蕭條共西野有城號重門重門幽幽深幾許齊芳歸
藩何足云公卿老淚空沾巾天道好還非少恩青山
斜照自今古禪陵西望猶比隣昔曠隘吭忍不殺終
我四百為虞賓廼云得之羣盜手吾將誰欺欺彼旻
君不見鄧城南頭漢濁漉至今草樹淒無春

唐申王畫馬歌

花萼樓前閱庭實布乘黃朱笑群辟奔虹凝露故家
物詔寫真形出東壁申王天矯龍一種揮灑元精固

無匹龍池十日霹靂聲
房駟無光幸偃泣
千年事往矣
所在此紙流傳見
真跡明愬不厭百回看
飛電流雲悵猶溼
當時圖畫樂昇平
轉首雲屯散榛棘
備皇纒藉河隴餘
旋復廓清唐再闢
物盛而衰固有時
校以倉皇易爲力
漢家托地封狼北
萬騎騰凌已無敵
更求駿骨張吾軍
一綉風飛能事畢
雖云中夏號雄強
富不民藏孰共億
聖謨經世了不刊
收卷入囊三歎息

秋澗著書圖歌贈畫工張仁卿

張生寫出秋澗圖
先生胡爲此遊居
知余讀書樂幽寂
况復野麋之性宜
與水石俱西風蕭
條秋氣餘浮雲身
世將何如江籬託
詠太哀怨老松卧
壑甘扶疎

逢時不作棟樑用且須著論希潛夫盤盤澗曲深幾
許長吞遠況知攸祖百川橫障使東往細大不擇羞
潢誇考槃有歌誰與伍山鳥山花吾友于張畫師王
宰徒雲煙落帟何舒徐吾今屏居日已久爲我作此
真良謨平生未常學學焉於此初古人尚友無老壯
要欲靜泊志可明而遠可逾駸駸晚景幾桑榆不知
此去澹泊得似畫中無目明神王骨相驪一丘一壑
着幼輿畢此一事爲成書此外何有於余乎此外何
有於余乎

時集
隸古
事鑑

秋澗先生大全文集卷第十

開化圖書館

Kaichua library

藏

開化圖書館

Kaichua library

藏

開化圖書館

Kaishua library

開化圖書館

Kaichua library

Blue Cyan Green Yellow Red Magenta White 3/Color

TIFFEN Color Control Patches © The Tiffen Company, 2007


Centimetres

Inches

秋澗先生大全文集


三

Wakuhon Library
関西大学図書



開化圖書

Kaichua Library



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color